


本紀



理宗  
度宗  
瀛國公二王附

明監本宋史卷九



本紀卷第四十五

宋史四十五

開禧言上書國策國事書丞相廢國之領總事都統統率

勅

理宗五

景定元年春正月丙子詔獎賈似道功庚辰歲星熒  
惑合在尾壬辰詔知涪州趙域聚糧不運餉兵士遂  
為北有已削一秩罰輕爵削兩秩乙未瀘川城仙侶  
山賈似道言高遵守鄂州城凡三月大元師北還二  
月丙午詔賈似道以繕錢三千萬犒師并示賞功之  
典已酉以高遵為寧江軍承宣使右金吾衛上將軍



賜緡錢五十萬呂文德賜緡錢百萬浙西良田百頃  
鄂州戰守將士賜緡錢三十萬王鑑孫虎臣蘇劉義  
等各官士轉尚遠遷湖北安撫副使知江陵府兼夔  
路策應使陳奕阮思聰並正任防禦使江西湖南帥  
司言大元兵破瑞州臨江軍城興國壽昌洪撫全永  
衡諸郡民皆被兵存者奔竄它所甲寅詔臨江守臣  
陳元桂死節官五轉贈寶章閣待制與一子京官一  
子選人恩澤給緡錢十萬治葬立廟死所謚曰正節  
瑞州守臣陳昌世治郡雖有善政兵至民擁之以逃  
以弃城失守削三秩勒停乙卯詔孫虎臣和州防禦

使張世傑以下十三人各官五轉立功將士並補兩  
官資賜銀絹庚申雨雹辛酉大元遣偏師自大理由  
廣南抵衡州向士壁會合劉雄飛並戰于道俘民獲  
還者甚衆詔雄飛升保康軍承宣使餘轉官賜銀錢  
賈似道賜金器千兩幣千匹命國子監主簿劉錫趨  
召赴闕向士壁遷兵部侍郎職任依舊呂文德高遠  
陳奕等各賜金幣有差丙寅大元軍過分寧武寧二  
縣河湖岩都監權巡檢張興宗死之詔贈武英郎官  
一子承信即以緡錢二萬給其家湖南諸將溫和平  
左武大夫帶行遙都刺史李虎官三轉帶行閣門宣

贊鄧進帶行復州團練使各賜銀絹旌其守禦之功  
 三月戊辰朔日有食之庚午命夏貴兼黃壽策應使  
 總舟師癸酉以橫山之戰將士效節多死行陣總管  
 張世雄沈彥雄陳喜秦安李孝信鄭俊李安國各贈  
 十官資賜緡錢萬恤其家甲戌賞夏貴鴻宿州白鹿  
 磯戰功遷福州觀察使職任仍舊將士推賞乙亥詔  
 全岳水衡柳象瑞與國南康隆興江州臨江潭州諸  
 縣經兵擾民失業應開慶元年以前二稅盡除之癸  
 未賈似道奏類阜坪大戰進至黃州乙酉詔范文虎  
 轉左武大夫蒙衛官黃州武定諸軍都統制張世傑

蒙衛官職任依舊鄂州統制張勝死于漢陽戰時贈  
 官五轉官其子煥進武校尉丙戌賈似道言自鄂趨  
 黃與北朝回軍相遇諸將用命捍禦詔孫虎臣范文  
 虎張世傑以下各賜金帛夏四月戊戌朔侍御史沈  
 炎疏吳潛過失以忠王之立人心所屬潛獨不然章  
 汝鈞對館職策乞為齊邸立後潛樂聞其論授汝鈞  
 正字奸謀巨測請速詔賈似道正位鼎輔詔朱熹戴  
 慶烜論日昃事大政則共議以聞己亥賈似道表言  
 夏貴等戮新生日進至白鹿磯皆身自督戰有功詔  
 赴闕庚子以王堅為侍衛步軍司都指揮使戊申以

劉整知瀘州兼潼川安撫副使已酉揚州大火吳潛  
 以觀文殿大學士提舉臨安府洞霄宮癸丑進賈似  
 道少師依前右丞相兼樞密使進封衛國公朱熠知  
 樞密院事兼參知政事饒克己參知政事戴慶河同  
 知樞密院事兼參知政事皮龍榮端明殿學士致善  
 樞密院使已未以復貴為保康軍承宣使左金吾上  
 將軍知淮安州兼淮東安撫副使京東招撫使賜金  
 器幣溧陽田三十頃壬戌進馬光祖資政殿大學士  
 職任依舊癸亥以呂文德兼攝久路兼應使丙寅命馬  
 光祖兼淮西總領財賦五月丙辰朔詔趙葵依舊少

保兩淮官樞使判揚州進封魯國公徐清叟觀文殿  
 大學士知津寧府饒克己罷壬申李魯伯史山石之並  
 落職解官而日伯坐嶺南開城自守不能備禦若之坐  
 鄂州圍解大元兵已渡江北還然後出兵又命程希  
 任事以致敗績甲戌詔贈呂文信寧遠軍承宣使立  
 廟賜額予師憲帶行閣職更與兩子承信即輔周和州  
 防御使錄其白鹿磯死事乙亥詔李虎顯軍無復負  
 命追奪實壽州丁丑賜賈似道王帝廟庚辰戴慶河  
 卒贈資政殿大學士壬午焚賊犯斗癸未以皮龍榮  
 兼權參知政事沈炎端明殿學士同知樞密院事

四百令介  
高堃鄂州都統制駐劄江陵府甲申祈雨戊子詔饒  
虎臣以資政殿學士提舉臨安府洞霄宮任便居住  
楊棟召赴闕壬辰以姚希得為敷文閣待制知慶元  
府兼沿海制置使乙未詔李庭芝起復秘閣修撰主  
管兩淮安撫制置司公事兼知揚州六月丁酉朔夏  
貴奏淮安戰功庚子寬丁大全于南康軍壬寅詔立  
皇子志王溥為皇太子賜字長深戊申王堃卒壬子  
賜李遇龍金帶陳奕帶御器械依舊鎮江駐劄御前  
諸軍都統制賜田三十頃詔升巢縣為鎮巢軍甲寅  
揚棟棄官歸立太子詹事乙卯陳麟進一秩福建安

撫使知福州徐清叟觀文殿學士知泉州秋七月丁  
卯朔皇太子入東宮行冊禮大赦壬申貴妃閻氏薨  
賜謚惠昭東南有星如太白丁亥命皇太子昕朝侍  
立戊子上謂宰執曰北朝使來事體當議賈似道奏  
和出彼謀豈容一切輕狗彘以交鄰國之道來當令  
入見己丑侍御史何夢然劾丁大全吳潛欺君無君  
之罪庚寅賈似道兼太子少師朱熠皮龍榮沈炎並  
兼賓客辛卯詔丁大全削三秩謫居南安軍吳潛奪  
觀文殿大學士罷祠削二秩謫居建昌軍癸巳詔舉  
孝廉八月壬寅以程元鳳為淮浙發運使判平江府

巳酉太陰犯填星詔皇太子受冊畢賈似道朱熠皮  
龍榮沈炎各進一秩東宮官吏諸軍兵等官一轉餘  
皆推恩壬子與黨薨贈少師謚忠憲太白犯房壬戌  
李曾伯史岩之各削二秩甲子饒虎臣削二秩奪資  
政殿學士罷祠九月癸酉守瀘州劉整以功來上丁  
丑知漳州節制屯戍軍馬洪天錫言援例剗辟幹官  
一員報行軍機密文字奏可辛巳祀明堂大赦丙戌  
熒惑犯壁戊子李松壽犯淮安冬十月乙未朔詔申  
嚴邊防甲辰詔黨丁大全吳潛者臺諫其嚴覺察舉  
劾以聞當寘于罪以為同惡相濟者之戒時似道專

政臺諫何夢然孫附鳳桂錫孫劉應龍承順風指凡  
為似道所惡者無賢否皆斥帝弗悟其奸為下是詔  
戊申李松壽修南城詔趣淮關調兵毀之壬子破李  
松壽兵于連水城下夷南城舊址乙卯有星自東北  
急流向太陰壬戌竄吳潛于潮州十一月丙寅詔內  
侍何時修削二秩永罷不叙洪燾知臨安府兼浙西  
安撫使壬午以中軍統制知簡州馬千權興州都統  
兼知合州戊子熒惑與填星順行太陰犯房十二月  
甲午朔詔葦亭奉宸莊其隸外廷助軍餉包恢叙復  
元官職知常州辛丑建陽縣嘉禾生一本十五穗詔



改建陽為嘉禾縣甲寅呂文德上夔路戰功乙卯以師廬陵郡王思正薨謚簡惠印應雷直微猷閣知江州主管江西安撫司公事節制蘄黃興國三郡庚申以監察御史桂錫孫言追寢全子才叙復之命二年春正月癸亥朔詔監司率半歲具劾去賊吏之數來上視多寡為殿最行賞罰守臣助監司所不及以一歲為殿最定賞罰本路州無所劾而臺諫論列則監司守臣皆以殿定罰有治狀廉聲者擬實以聞乙丑城安慶詔馬光祖進二秩丁丑命皇太子謁拜孔子于太學己卯福建安撫使陳韓累疏請老詔進

一秩守觀文殿學士致仕以董禎判福州福建安撫使乙酉詔封張栻為四華陽伯呂祖謙開封伯從祀孔子廟庭二月丙申以虎臣戰邠州全師而歸癸卯詔諸路監司申嚴德以賞罰之令甲寅進封周國公主二月壬戌朔日有食之乙亥故寧遠軍承宣使張祥都統制閻忠進以獎蜀之功洋貲節度使忠進贈復州團練除恩澤外各更官一子恩信即賜緡錢二萬戊寅賈似道等上玉牒日曆會要經武要畧及序宗光宗寧宗實錄詔似道及龍宗朱熹沈炎各進一秩夏四月癸巳病余思忠進豎出身文字除名勒停實

新州乙未以皮囊宗家知政事沈炎同知樞密院事  
 兼權參知政事何夔遷太常寺權密院事俞興保康軍  
 尋宣復四川安撫制置使丙申呂文德超授太尉京  
 湖安撫制置使田使舞路策應使兼知鄂州李度芝  
 右文發修撰樞密都承旨兩淮安撫制置副使知揚  
 州已亥詔申嚴江防壬寅呂文德兼湖廣總領財賦  
 乙巳馬天驥資政殿學士知福州福建安撫使呂文  
 福帶御器械准西安撫副使兼知廬州官一轉戊申  
 馬光祖進朝文殿學士職任依舊乙卯竄吳潛于循  
 州丙辰僞丁大全于貴州追削二秩丁巳楊鎮授左

領軍衛將軍駙馬都尉向遠知廬州准西安撫副使  
 五月癸亥賈似道請祠祿詔不允庚午謝方叔叙復  
 觀文殿大學士致仕戊寅以劉錡飛知夔州夔路安  
 撫使乙酉王堅遷左金吾衛上將軍湖北安撫使兼  
 知江陵府六月乙未詔霖雨為沴避殿減膳徹樂乙  
 巳詔近畿水災安旨為甚亟請行荒政辛亥以范文  
 虎為左領軍衛大將軍三管侍衛步軍司兼馬軍司  
 秋七月甲子蜀帥俞興奏守瀘州劉整所部兵北  
 降由興構隙致變也至是興移檄討整辛亥未制置使  
 蒲壽之坐密通蠻言致賊羅纒詔置萬安軍太陰犯

斗乙亥以厚文公為資政殿學士沿海制置使知慶  
元府戊寅王惟忠家訟寃詔奪爵方叔合行恩襲丁  
大全責授新州團練使貴州安置臺臣吳燧奪職罷  
祠陳大方胡大昌呂錫官壬午陳譚卒贈少師謚忠  
肅丙戌吳潛責授少州團練使循州安置八月壬辰  
命韓元兼常德辰沅澧靖五郡鎮撫使呂文德兼四  
川宣撫使范文虎以白鹿磯之功賞七官以五官轉  
行遙郡防禦使餘官給憲丁酉詔奪向一璧從官恩  
數窮竟侵盜掩匿之罪時以兵退還官會言是貴敵  
道忌功欲以行機一時闕臣士璧及趙葵史若石之社

度皆責徵償信州謝枋得以趙葵撤給錢粟募民兵  
守禦至是自償萬緡壬寅築周國公主館于安濟橋  
乙巳以江萬里為端明殿學士同簽書樞密院事依  
執政恩數九月辛酉詔湖秀二郡水災守令其亟勸  
分監司申嚴荒政乙亥李庭芝言李松壽已遁大元  
使郝經久留真州帝趣與錫資經之留謀出賈似道  
帝感其言不悞蓋似道在鄂時值我世祖皇帝歸正  
大位撤兵似道自詭有再造之功諱言歲幣及講和  
之事故不使經入見冬十月癸巳呂文德言已復瀘  
州外堡擬即對江壘石為城以示持久之計從之戊

戊雷電甲申詔申獎賈似道鄂州之功丙午以何豪  
然同知樞密院事兼參知政事癸丑程元鳳授特進  
觀文殿大學士醴泉觀使兼侍讀甲寅皇太子擇配  
帝詔其母族全昭孫之女擇日入見寶祐中昭孫沒  
于王事全氏見上上曰爾父死可念對曰臣妾父固  
可念淮湖石姓尤可念上曰即此語可毋天下追開  
慶丁大全用事以京尹顧西女為議大全敗故有是  
命丙辰沈炎資政殿學士提舉臨安府洞霄宮任便  
居住十一月己未朔劉雄飛和州防禦使樞密副都  
承旨四川安撫制置副使兼知重慶府四川總領夔

路轉運使庚申田國公主館成詔重宋臣李忠輔各  
官一轉甲戌資政殿學士致仕汝騰卒贈官四轉謚  
忠清安南國貢象二丁丑馬光祖提領戶部財用兼  
知臨安府浙西安撫使下嫁周國公主于楊鎮己卯  
以鎮為宣州觀察使賜玉帶尋分慶遠軍承宣使詔  
駙馬都尉楊鎮家有賞與楊蒼孫官兩轉楊鎮揚  
鑑官一轉並直祕閣餘轉官進封有差癸未封全氏  
永嘉郡夫人十二月庚寅改竄蒲擇之于南康軍辛  
卯宰臣奏太子詔臣等言近奉聖訓夫婦之道王化  
之基男女正位天地大義平日所講修身齊家之道

四  
當真履實踐勿為口耳之學請旨付史館永為世程  
法從之甲午以皮龍祭兼權知樞密院事何晏然參  
知政事兼太子賓客馬光祖同知樞密院事兼太子  
賓客知臨安府己亥太陰犯五車壬寅江高里依舊  
端明殿學士提舉臨安府洞霄宮任便居住癸卯冊  
永嘉郡夫人全氏為皇太子妃

三年春正月戊子朔詔申飭石官盡言詔量移丁大  
全吳潛黨人並永不錄用壬戌詔陳瓘等若存奉祠  
宜示崇獎陳瓘端明殿學士林彬之實童閣待制史  
季溫直學文閣丁仁直寶謨閣仍並予祠祿甲子福

建路安撫使馬天驥進資政殿大學士職任依舊乙

丑詔諭西蜀郡縣等官已授遇闕毋進受虛批月日

違期不赴丁卯以善詒嗣濮王戊辰周國公主進封

周漢國公主庚午賜賈似道第宅于集芳園給緡錢

百萬就建家廟甲戌詔權知梁山軍李鑑守城有功

帶行閣門宣贊舍人就知梁山軍復瀘州改為江安

軍呂文德進開府儀同三司二月丁亥朔臨安安古

嘉興屬邑水民溺死者衆詔守臣給楮瘞之詔獎諭

制置司其立功參贊將士進秩升職搗給有差乃裕

授檢校少保以皮龍榮為資政殿大學士知潭州湖

南安撫使乙巳太陰入戊戌申詔省試中選士入覆  
試于御史臺爲定制庚戌李壇以連海三城叛大元  
來歸獻山東郡縣詔改連水爲安東州授壇保信寧  
武軍節度使督視京東河北等路軍馬齊王復其  
父李全官爵壇即松壽三月乙丑以孫附鳳爲端明  
殿學士簽書樞密院事兼太子賓客辛未詔升海州  
東海縣爲東海軍丁丑汪立信升直學文閣知江州  
主管江西安撫司公事節制蘄黃興國三郡軍馬庚  
辰呂文福依舊職差知濠州兼淮西招撫使夏四月  
庚寅太白晝見庚子熒惑與歲星合在危甲辰有流

星大如杯五月壬戌熒惑犯壁壘陣丙寅雨雹己巳  
詔廣西靜江屯田小試有效其邑欽宜融柳象潯諸  
州守臣任責措置經畧安撫以課殿最仍條具來上  
辛未馬光祖以病請祠詔知福州兼福建安撫使丁  
丑賜禮部進士方山京以下六百二十七人及第出  
身庚辰夏貴上勦縣戰功六月戊子詔李壇受圖給  
銀五萬兩下益都府犒師遣青陽高炎率師援之庚  
寅以孫附鳳兼權參知政事楊棟端明殿學士同簽  
書樞密院事兼太子賓客壬辰吳潛沒于循州詔許  
歸葬己亥董規乞致仕詔授特進戊申詔青陽高炎

援李璣不俟解圍輒提援兵南歸諭制置司劾之已酉有流星大如熒惑庚戌安南國王日嬰上表乞世襲詔授檢校太師安南國王加食邑男威冕授靜海軍節度觀察處置使檢校太尉兼御史大夫上柱國安南國王效忠順化功臣仍賜金帶紫幣鞍馬癸丑詔應請臣僚終於貶所者許令歸葬秋七月丙辰詔州縣官廩祿不時給者御史臺覺察或以他物折支計贓論罪壬戌董禮寔贈少師謚文清庚午周漢國公主薨賜謚端孝壬申江州都統龔興調遣入蜀託疾憊行詔奪二秩押往京湖制司自效戊寅侍御

史范純父言前四川制置使俞興姘功啓戎罷任

秩罰輕乞更褫奪以紓衆怒奏可辛巳詔重修吏部

七司條法癸未詔申嚴諸路郡縣苛取苗米之禁甲

申夜有白氣亘天八月甲午海州石湫堰成詔知州

張漢英帶行遥郡刺史馬步軍副總管帶行環衛官

丁酉築蘄州城知州王益落階官正任高州刺史制

置使汪立信上新城圖詔獎諭戊戌李漕兵敗爲大

元所誅事聞詔沿邊諸郡嚴邊防汪立信升直敷文

閣主管沿江制置司公事知江州主管江西安撫司

公事癸卯太陰犯昴乙巳沿江制置使姚希得進寶

章閣學士職任依舊九月壬申召陳奕赴樞密院稟  
議丙子有流星大如太白丁丑温州布衣李元老讀  
書安貧不事科舉今已百四歲詔補迪功郎致仕本  
郡給奉閏九月甲申朔太白晝見丙戌流星透霞大  
如太白戊戌詔刑部長貳大理卿少卿歲終無評事  
可舉即舉在京三獄官庚子有流星大如太白丙午  
詔應知縣罪罷雖經赦毋注緊望闕著爲令戊申詔  
紹興府火給貸居民錢今及二載民貧可憫悉除勿  
徵冬十月乙卯詔蠲四川制總州縣鹽酒權額己未  
太陰犯歲星甲子以楊棟簽書樞密院事兼權參知

政事兼太子賓客葉夢鼎端明殿學士同簽書樞密  
院事兼太子賓客丁卯呂文德言遣將校禦敵多逗  
遛不進且奏功失實具姓名上聞詔呂文煥王達趙  
真削兩秩馬瑒王甫削一秩餘貶降有差太陰犯五  
車星庚午太白入氏甲戌歸化州岑從毅納土輸賦  
獻丁壯爲王臣詔改歸化爲來安州從毅進秩脩武  
郎知州事令世襲丙子詔安豐六安縣升軍使十一  
月壬辰丁大全竄貴州招游手立將校置弓矢舟楫  
縱僕隸淫虐軍民詔奪大全貴州團練使移置新州  
巴馬光祖乞祠祿詔提舉臨安府洞霄宮任便居住



丙申徐清叟薨贈少師謚忠簡丁酉資陽砦主萬戶  
小哥及其子衆家奴叛來降詔小哥賜姓王名永堅  
補武翼大夫夔路副總管重慶府駐劄戍戍以夏貴  
知廬州淮西安撫副使丁未皇孫容州觀察使封資  
國公焯薨贈保靜軍節度使廣國公熒惑填星合在  
婁十二月辛巳呂文德累疏辭兼四川宣撫詔仍兼  
四川策應使

四年春正月壬午朔詔侍從臺諫給舍卿監即官以  
上及制總監司各舉所知不拘員限不如所舉行連  
坐法戊子林希逸言蒲陽布衣林亦之陳藻有道之

士林公遇初承父澤奉親不仕詔林亦之陳藻贈

功郎林公遇元官上進贈一官詔董宋臣同舉奉

安符寶所初奉祠祿己亥嚴州火丙午詔董誥誥致

遠之弊二月癸丑詔吳潛丁大全黨人遷謫已久遠

者置移死者還本貴並不復用丁大全溺死藤州詔

許歸葬詔俞興往歲失陷瀘城更削一秩丁巳置官

田所以劉良貴爲提領陳言爲檢閱戊午日晷周匝

乙亥呂文德浚築鄂州常澧城也乾寧詔獎之守臣

韓宣轉送都承宣使劫賊劉義吉州劫賊三月丁亥以

呂文德爲寧武保康軍節度使職任依舊劉雄飛樞

密都承旨四川安撫制置使兼知重慶府四川總領  
財賦夔路轉運使加授姚希得刑部尚書李庭芝兵  
部侍郎朱禔孫太府卿汪立信太府少卿並依舊任  
壬辰太陽赤黃暈丁酉以王堅知和州兼管内安撫  
使呂思祖知濠州兼淮南招撫使庚子以何夢然兼  
權知樞密院事丁未詔知寧國府趙汝楨推行經界  
不擾而辦職事脩舉升直華文閣依舊任戊申忠州  
防禦使賈傑授福州觀察使夏四月乙卯太陽犯權  
星丙寅官曰所言知嘉興縣段浚知宜興縣葉哲佐  
夏公田不遵元制詔罷之戊辰太陽赤黃暈不匝五

月庚寅六陰入氏丁酉一發州布衣何基建寧府布衣  
徐幾皆得理學之傳切各補迪功郎何基婺州教授  
兼建寧書院山長徐幾以建寧府教授兼建寧書院山  
長戊辰四川制置司言二月甲寅大兵攻嘉定城馬望  
出城禦之馬望被殺遂遷延割一秩令以所轉四官  
理作本後疏是出自角一宿距星六月壬子祈雨乙卯  
京城火丙辰詔饒虎臣叙復元官依舊提舉太平興  
國宮庚申詔平江江陰安吉嘉興常州鎮江六罷已  
買公田三百五十餘萬畝今秋成在邇其荆湖江西  
諸道仍舊和糴丙寅詔公田竣事劉良貴官兩轉陳

豈廖邦保治六部官進秩有差丁卯流星出自河鼓  
庚午字執進玉潔日麻日會要經武要略及徽宗長編  
寧宗實錄詔賈以道以下官兩轉秋七月壬辰敕令  
所進靈輿以陳寬恤詔令戊戌以董家臣為入內內  
侍省神班八月甲寅董宋臣以病乞收回恩命請祠  
詔賜告五日乙卯流星出自天倉星九月甲申詔趙  
汝禧為太師以知淮東總領財賦辛卯祀明堂大赦  
甲午以何去疾然知樞密察院事燕參知政事楊傑同知  
樞密院事燕權參知政事葉夢鼎簽書樞密院事冬  
十月己未詔發緡錢四十萬命新西六郡置公田

莊甲子命張丑興元府駐劄御前諸軍統制兼知  
合州十一月己亥福州火十二月丁未朔詔皇太子  
宮講官急事以下日輪一員衣入西出專講讀備卷  
問以釋黷導之實己未詔在京置窠柵私繫囚并非  
法獄具臺憲首嚴禁戲遺者有刑辛未太白歲星順行  
五年春正月丁丑朔詔崇德行考德行矣己出奉宸  
庫珠香象犀等貨下務場稅易動收幣諸庚子太子  
右諭德湯漢三乞休致授以開脩撰知福州福建安  
撫使二月壬戌流星出自星甲子太陰犯房丁卯太  
陰犯斗辛未南正三月辛酉三聖卒湯益忠壯焉光

祖依舊觀文舉學士沿江制置使知建康府江東安  
 撫使行宮留守己丑日量自蜀夏四月丙午詔管景  
 稷妻李氏沒效忠愈堅平時所得奉入率以撫恤將  
 士遂至空乏特賜緡錢三十萬尋賜金帶丁未以夏  
 貴為樞密都承旨四川安撫制置使兼知重慶府四  
 川總領姚岳轉運使辛亥詔郡邑行鄉飲酒禮癸丑  
 太陰入太微垣乙卯信陽府將領余元交等提兵防  
 護耆耕有功補轉兩官資戊午太白晝見乙丑何處  
 然馬天驥以臺臣劾罷己巳江萬里以資政殿學士  
 知建寧府李魯伯以觀文殿學士知夔元府沿海制

置使庚午太白歲星合于婁五月庚辰何處然以資  
 政殿大學士知建寧府辛卯以楊棟參知政事葉夢  
 鼎同知樞密院事兼權參知政事姚希得端明殿學  
 士同簽書樞密院事馬天驥提舉洞霄宮甲午流星  
 出自河鼓大如太白乙未安南國奉表謝恩進方物  
 詔却之仍賜金帛以獎恭順己亥太白經天晝見六  
 月甲辰朔知衢州謝暨因寇焚掠常山縣棄城遁詔  
 削三秩褫職不叙臺臣言衢州詹沔之變乃謝暨任  
 都吏徐信苛取激之暨罪重罰輕詔斬信籍其家暨  
 再削兩秩勒停丁未詔饒虎臣敘復資政殿學士依

前通奉大夫差遣如故甲寅加授李庭芝寶章閣直  
學士依舊任朱禊孫右文殿脩撰知靜江府廣西經  
略使汪立信祕閣脩撰樞密副都承旨沿江制置副  
使兼知江州江西安撫使詔呂文德職事脩舉與官  
一轉太陰犯心戊午祈雨太白犯天關星乙丑命董  
宋臣兼主管衙前馬院御前酒庫戊辰熒惑歲星並  
行己巳太白太陰並行入井庚午太陽赤黃暈秋七  
月甲戌彗星出柳丁丑詔避殿減膳應中外臣僚許  
直言朝政闕失己卯流星出自右攝提星彗星退于  
鬼辛巳彗星退于井甲戌京城大火癸巳謝奕昌卒

賜少保追封陸渙郡王謚忠憲甲午彗星守畢乙未  
馬天驥以臺臣劾其貪贓奪職罷相其子特祿削一  
秩罷新任丙申知嘉定府洪濤言新繁縣御容殿前  
枯木再榮殿有畫太祖像又順化人楊嗣光等奉太  
宗真宗仁宗英宗神宗像來歸令積藏府中天慶觀  
詔本府選差武臣迎奉赴行在所嗣光補武階兩資  
祿兩臺臣言太子宥容楊棟指等為黨元旗欺天罔  
君詔棟罷職予祠戊戌彗星退于參八月壬寅朔熒  
惑與填星合丙午以楊棟知延寧府戊午彗星居  
甲子彗星復見于參辛未彗星化為彗氣九月己丑

日。生格氣。癸巳。丙侍。李忠輔。以三臺。臣劾。其會。遂。放。開。割。兩。殺。放。罷。乙未。建寧。府。發。投。請。初。得。被。文。宣。城。及。度。康。滑。閩。慶。策。十。餘。間。言。權。奸。誤。國。趙。氏。必。亡。左。司。諫。智。有。開。劾。其。怨。心。功。滿。請。大。不。敬。竄。興。國。學。冬。十。月。丙午。太。陰。犯。斗。三。亥。詔。十。七。界。會。浸。重。並。以。十。八。界。會。易。之。限。一。月。止。乙丑。詔。行。關。子。銅。錢。法。每。百。作。七。十。七。文。足。以。准。十。八。界。會。之。三。帝。有。疾。不。視。朝。丙寅。大。赦。丁卯。帝。崩。遺。詔。皇。太。子。權。即。皇。帝。位。咸。淳。元。年。三。月。甲。申。葬。于。會。稽。之。永。祚。陵。二。年。十。二。月。丙戌。諡。曰。建。道。備。德。大。功。復。興。烈。文。仁。武。聖。明。孝。尊。皇。帝。廟。

聖理宗

贊曰。理宗享國久長。與仁宗同。然仁宗之世。賢相相繼。理宗四十年之間。若李宗勉。崔與之。吳潛之賢。皆弗究于用。而史彌遠。丁大全。賈似道。竊弄威福。與相始終。治效之不及慶曆嘉祐。宜也。蔡州之役。幸依大朝以定夾攻之策。及西守緒遺骨。傳字臣天綱歸獻。廟社亦可以刷會稽之恥。復齊巖之讐矣。顧乃貪地奪盟。入洛之師。事畢隨起。兵連禍結。境上日蹙。郝經來使。似道諱言。其納幣請和。蒙蔽抑塞。拘留不報。日遠。滅亡。吁。可惜哉。由其中。年嗜慾既多。怠於政事。權



度理宗奇之及在位歲久皇子乃為意詔神器焉淳  
祐六年十月己丑賜名三盛以皇始授貴州刺史入  
內小學七年正月乙卯授宣州觀察使詔王即詔晉  
九年正月乙巳授慶遠軍節度使封益國公十一年  
正月壬戌改賜名致進封定安郡王實祐元年正月  
庚辰詔立為皇太子改賜名嘉泰永授宗慶軍節度  
使開府儀同三司進封永嘉郡王二年七月以宗正  
少卿蔡抗兼朔方時資善堂初建理宗親筆三記言以  
賜王十月癸酉進封忠王十一月壬寅加元服賜字  
邦彥五年十月庚子授鎮南邊安軍節度使復景定元

年六月壬午晉立為皇太子賜字長源命楊棟葉為  
為太子詹事七月丁卯太子入東宮癸未行開禮時  
理宗家教甚嚴歲初賜問安再為回宮三賜往會議  
所參決無事遂入講堂講官議經次講史終日子不  
釋卷將歸復至榻前起是學為常理宗問今日講何  
經答之是則賜坐賜茶否則為之反覆問新又不通  
則繼以怒明日須更復講二年正月丁丑謁孔子于  
大學請以張氏呂祖謙列從紹十二年二月癸卯冊  
嘉祐夫人全氏為皇太子妃五年十月丁卯理宗崩受  
遺詔太子即皇帝位戊辰尊皇太后謝氏曰皇太后在



日為壽宗壽萬歲午學執文武百官請祥儀殿表請襲  
改不允辛未大赦十一月壬申學執以下日表請視  
朝不允丁丑凡十二表始從丙戌帝初聽政御後殿命  
馬洪為留臺安兼侍讀學士伯玉陳宗禮沈東曾兼侍  
讀何基徐幾兼崇政殿說書詔求直言又詔先朝舊  
臣趙葵謝方叔程元鳳馬元祖李曾伯各上言以臣  
不遠召江萬里王煥洪天錫湯漢等赴闕詔躬行三  
年喪復濟王詒元贈少師節度使追封王諡昭肅  
有司討論賞制宜修之加封嗣榮王與內武康寧江  
軍節度使仍用八節判宗正事詔無勞之邊防將士監

察御史劾宦官李忠輔何舜珪等賊罪並竄遠方戊  
戌詔儒臣日侍經筵輔臣觀講乙未命洪天錫以侍  
御史無侍讀十二月辛丑詔改明年為咸淳元年行  
銅錢關子率貫以七百七十文是壬寅戒賊吏絕貢  
羨餘甲辰詔以生日為乾會節初開經筵講殿以熙  
明為名禮部尚書馬廷為進讀大學衍義序陳心法  
之要是歲兩浙江東西湖南北廣東西福建成都京  
西潼川夔利路戶五百六十九萬六千九百八十九  
口一千三百二萬六千五百三十二大理寺奏大牌  
三十三人

咸淳元年春正月辛未朔日有食之丞相賈似道請  
為總護山陵使不允尋下詔遣諭癸酉直學士院留  
臺奏疏留似道甲戌諫議大夫朱勳孫等亦請改命  
不報詔臨安免征商三月丙子京湖制置使呂文德  
辭免不允二月庚申置籍中書記諫官御史言事歲  
終以考成績三月癸酉以道乞解機政不允壬午京  
湖制司勅招鎮遠軍甲申葬聖宗于永穆陵夏四月  
壬寅賞四川都統胥萬壽雲頂山金堂峽之功及其  
將士丁未壽崇節免徵臨安官私房稅地錢戊申乾  
會節如上免徵壽免在京征商三月自是祥慶災異

寒暑皆免戊午賈似道特授太師己未旱景靈官發  
米八萬石贍京城民毀路都統王勝以李市沙平之  
戰獲功轉官兩資將士効力者上其名推賞五月己  
巳進命史彌遠為公忠翊運定策元勳閏月乙巳以  
雨京城減直糶米二萬石自是米價高即發廩平糶以  
為常丁未發錢二十萬贍在京小民錢二十萬賜殿  
步馬司軍人錢二萬三千賜宿衛自是行慶恤災或  
遇霖雨雪寒咸賜如上數以江萬里參知政事王煥  
同知樞密院事權參知政事馬廷鸞端明殿學士簽  
書樞密院事丁巳以錢三十萬命臨安府通變平物

賈丁卯改成都馬步軍總管張順歿于壬午詔特贈  
官五轉其子與八官恩澤六月乙酉名理宗御製之  
閣曰顯文置學士直學士侍制直閣等官戊子沿海  
制置使葉夢鼎三辭免不允己丑名理宗原廟殿田  
章熙秋七月丁酉太白晝見初命迪功郎鄧道為詔  
州相江書院山長主祀先儒周惇頤壬寅參知政事  
江萬里乞歸田里不允戊申夔路安撫徐宗武城開  
達石城乞推恩從之壬戌督州縣嚴錢法禁民間用  
牌帖笑亥以諒陰命宰執類試既登炳以下依廷試  
例出身禁在京置窠柵私繫囚八月庚辰命陳奕沿

江按閱軍防賜錢二十萬給用丁亥詔有司收民田  
租或倍克無藝監司其嚴禁或違者有刑甲午大  
元元帥阿木帥大軍至廬州及安慶諸路統制范勝  
統領張抹正將高興副將孟興逆戰沒于陣詔勝等  
各官其一子進勇副尉九月己酉以洪天錫為工部  
侍郎兼侍讀壬子命宰執訪司馬光蘇軾朱熹後人  
賢者能者各上其名錄用癸丑呂文德言京湖制帥  
策應三司官屬乞推恩詔各進一秩庚申吏部侍郎  
李常上七事曰宗祧嚴御舉擇守令黜貪汙讞疑  
獄任儒節修役法冬十月壬申減四川州縣鹽酒課

始自甲辰定四年正月一日拜免徵三年乙亥歲田契稅錢什四度辰江安州潼川安撫司以攻懷簡小富此若戰圖來上詔優答以賞十一月乙未元少保保寧軍節度使致仕乃裕薨贈少傅追封臨川郡王二年春正月癸丑江萬里四請歸田乞祠祿不允以爲湖南安撫使兼知潭州二月乙巳侍講范杲奏正心之要有三曰進德曰立政曰事天十一月嘉納焉戊寅詔免湖南漕司積年運上峽米耗折適直辛卯詔左右史循舊制立侍御坐前三月庚子賞夔路總管張喜等防護開達軍功將士進官有差乙巳詔郡守

兩年爲任方別授官戊申賜勅書獎諭呂文德夏四月乙丑洪天錫三請祠不允以顯文閣待制知潭州兼湖南安撫使甲申侍御史程元岳上言帝王致壽之道在脩德後世怵邪說以求之徃轍可鑒修德之目有三曰清心曰寡欲曰崇儉皆致壽之原上嘉納之丁亥授信州布衣徐直方只館編校五月癸丑詔諸節制將帥討軍實節浮費毋占役兵士致妨訓練六月丁丑給羅鬼國化州印三年以備州餓命守令勸分諸藩邸發廩勸之秋七月壬辰祈雨詔以來年正月一日郊壬寅禮部侍郎李伯玉言人材貴乎善

養不責速成請罷童子糾息奔競以保幼穉良心詔  
自咸淳三年為始罷之八月甲申安南國遣使賀登  
位獻方物九月丙辰浙西安撫使李希以臺臣黃萬  
石等言劄兩秩免冬十一月辛丑兩淮制置使李庭  
芝立城屯駐武銳一軍以工役費用及圖來上詔獎  
勞之乙卯少師致仕趙葵薨贈太傅賜諡忠靖丁巳  
利東安撫使知合州張玘調統制史炤監軍王世昌  
等復廣安大梁城詔推賞賞有差十二月丁丑申嚴  
戰貪之令甲申以請先帝謚祭告天地宗廟社稷丙  
戌奉冊實請于南郊上謚曰建道澤備德大功復興烈

文仁武聖明安孝皇帝廟號理宗大理寺奏歲終大  
辟三十五人

三年春正月己丑朔郊大赦丁酉奉皇太后寶上尊  
號曰壽和辛丑壽和太后冊寶禮成謝堂等二十七  
人各進一秩高平郡夫人謝氏等二十二二人各進封

特封有差癸卯冊命妃全氏為皇后戊申帝請太學  
謁孔子行舍菜禮以顏淵曾參孔伋孟軻配享顓孫  
師升十哲邵雍司馬光升列從祀雍封新安伯禮部  
尚書陳宗禮國子祭酒陳宜中進讀中庸己酉執經  
官宗禮講經官宜中各進一秩宜中賜紫章服太學

武學宗學國子學宗正寺官若醫官監書庫門庖等  
各進一秩諸齋長諭及起居學生推恩有差乙卯壽  
和太后親屬謝奕脩郭自中黃興在等二十八人各  
升補一秩二月己未克復廣安軍詔改爲寧西軍庚  
申馬光祖再乞致仕不允乙丑詔賈似道太師平章  
軍國重事一月三赴經筵三日一朝治事都堂丙子  
樞密院言知夔州夔路安撫徐宗武劾立臥龍山堡  
圍詔宗武帶行遙郡團練使以旌其勞三月癸卯知  
房州李鑑及將校杜汝隆夏喜以戰龍光砦有功優  
與旌賞夏四月庚申壽和太后兩次冊寶族兄弟謝

奕實等十五人族姪謝在達等四十七人族姪孫謝  
鑄等十四人各錫銀十兩帛十疋詔太中大夫全清  
夫儒科發身懇陳換班靖退可尚特授清遠軍承宣  
使提舉佑神觀仍奉朝請乙酉張瑛護合州春耕戰  
歎龍溪以狀言功詔趣上立功將士姓名五月丁亥  
朔日有食之戊申詔曰比嘗命有司按月給百官奉  
惟官愈卑去民愈親仍聞過期弗予是更奉吾命不  
愛也諸路監司其屬糾劾六月壬戌加授呂文德少  
傅馬光祖參知政事李庭芝兵部尚書並職任仍舊  
皇后受冊推恩第全清夫以下十五人官一轉全必

四  
標以下十七人補承信郎參西夷人楊氏進封淑妃  
六月詔榮王族姻與萊等三十四人名轉官有差秋  
七月丁亥張瑄授正任團練使帶行左領軍衛大將  
軍賜金帶壬辰樞密院言右武大夫權鄂州都統汪  
政鄂城戰禦又焚光化城外積聚及攻真陽城皆有  
功該轉十二官詔轉橫行邊郡甲午四川都統谷萬  
壽調統制趙寶揚立等率舟師護糧達渠城以功推  
賞己酉權黎州張午招諭大青元主歸義乞用兩林  
西蕃瑜林例賜予加優從之八月辛酉遣步帥陳奕  
率馬軍舟師巡邏江防壬戌邊報警急詔諭呂文德

等申嚴防過乙丑太師武康寧江軍節度使判大宗  
正事嗣榮王與芮進封福王主榮王祀事壬申以兩  
命在京三獄亦縣道司合廳擇官審決獄訟毋滯九  
月乙未詔都縣折收民田租毋厚有取贏違者論罪  
癸卯知邕州總統譚淵李旺周勝等繇特磨行大理  
界率兵攻建水州會其知州阿孛以下三百餘人獲  
馬二百餘匹穀米器甲廬舍師還論功各轉官二資具  
軍校補轉右三冬十月庚申復開州賜四川策應司  
錢百萬勞軍甲戌大雷電十一月丙申故左丞相吳  
澄追復光祿大夫壬寅賞知房州李鑑調遣路將夏

喜統領馮興等為州武陽填戰功十二月丙辰呂文煥依舊帶行衛器械改知襄陽府兼京西安撫副使丁卯言言叙復元官觀文殿學士提舉洞霄宮皮龍崇貪私傾險管服附丁大全乞寢新命詔予祠祿四年春正月癸未賜呂師夔紫章服金帶己丑呂文德言知襄陽府兼京西安撫副使呂文煥荆鄂都統制唐永堅蠶絲言報白河口萬山鹿門山北帥興築城堡檄知鄂州崔貴兩淮都統張世傑申嚴備禦祭已故守合州王堅賜廟額日報忠祭鄂沔州駐劄潼川安撫副使外昇蜀壽特升右武大夫帶行左驍衛大將軍

賜金帶己酉印應雷改知慶元府兼沿海制置使庚戌詔曰邇年近臣無謂引去以為高勉留再三弗近益遠往往相尚不知其非義也亦由一二大臣嘗勇去以為眾望相踵至今孟子於齊王不遇故去是未嘗有君臣之情也然猶三宿出盡庶幾改之儒者家法無亦取此乎朕於諸賢允謂無負其弗高尚使人疑於負朕閏月庚午賜夏貴金帶復四月壬午湯漢三辭免刑部侍郎福建安撫使庚寅乾會節帝御紫宸殿群臣稱賀上曰謝方叔託名進香壇進金器諸物且以先帝手澤每繫之跋率多包藏至以先帝行



事爲已功殊失大臣體宜鑄一秩於是盧鉞等相繼  
論列方叔昨蜀廣敗事誤國殄民今又違制擅進削  
一秩罰輕詔削四秩奪觀文殿大學士惠國公罷宰  
臣恩數仍追寶奎錄并繫跋真本來上丙申右正言  
黃鏞言今守邊急務非兵農合一不可一曰屯田二  
曰民兵川蜀屯田爲先民兵次之淮襄民兵爲先屯  
田次之此足食足兵良策也不報丁酉詔故修武郎  
姚濟死節立廟賜額曰忠壯五月辛酉樞密都承旨  
高達再辭侍衛都虞候乞歸田里命孫虎臣代之壬  
申賜陳文龍以下六百六十四人進士及第出身丙

子賈似道乞骸骨不允六月辛巳葉夢鼎再乞歸田  
里不允詔罷浙西諸州公田莊官募民自耕輸租租  
減什三毋私扣易田這制以盜賣官田論秋七月戊  
午有星出武宿西北急流入騎官星沒己未淑妃楊  
氏親屬楊幼節以下百三十四人推恩進秩八月壬  
寅奉安寧宗實錄理宗實錄御集日曆會要玉牒經  
武要略咸淳日曆玉牒賈似道葉夢鼎馬廷鸾各  
轉兩官諸局官若吏推恩有差九月癸未太白言見  
大元兵築白河城始圍襄樊冬十月戊寅朔日有食  
之手憲生參知政事常拱六乞歸田里詔予郡已亥

四石令八  
已減四川州縣鹽酒課詔自咸淳四年始免徵三  
年十一月癸丑樞密院言南平紹慶六郡鎮撫使韓  
宣城渝嘉開建常武諸州有勞縣峽州至江陵水陸  
措置盡瘁以死宣視沒於王事加恩詔宣守本官致  
仕任一子承節郎仍贈正任承宣使丁巳詔知江陵  
府陳奕禪將周全王德等戰西山南谷口田家山有  
功各以等第推賞戊午子鏗生丙寅福建安撫使湯  
漢再辭免乞祠祿詔別授職辛未以文武官在選困  
於部吏隆寒旅瑣可閱詔吏部長貳郎官日趣銓注  
小有未備特與放行違者有刑自是隆寒盛暑中嚴

誠飭常挺卒贈少保壬申行義役法十二月辛卯以  
夏貴爲沿江制置副使兼知黃州癸巳史館狀理宗  
實錄接續起修張九成孫象先力學飭行不墜家聲  
其免一解示表厲命建康府建南軒書院祠先儒張  
栻戊戌汪立信知潭州兼湖南安撫使職任依舊乙  
巳詔賞京湖總管張喜趙萬等石門坂堰戰功

五年春正月丁未以李庭芝爲兩淮安撫制置大使  
兼知揚州壬子京湖策應司參謀呼延德領諸將張  
喜等遇北兵戰于蠻河癸亥葉夢鼎累章請老留之  
固辭依前少保判福州福建安撫使封信國公以馬廷

鸞參知政事兼同知樞密院事甲戌以江萬里參知  
政事二月戊子江萬里辭免參知政事不允三月丙  
午北帥阿木自白河以兵圍樊城甲寅葉夢鼎辭免  
福州福建安撫使詔不允乙卯皇后歸寧族姍推恩  
保信軍節度使全清夫以下五十六人各進一秩咸  
安郡夫人全民以下三十二人各特封有差大元兵  
城鹿門己未詔浙西六郡公田設官督租有差辛酉  
京湖都統張世傑率馬步舟師援襄樊戰于赤灘圍  
戊辰以江萬里為左丞相馬廷鸞為右丞相兼樞密  
使己巳以馬光祖知樞密院事兼參知政事吳革沿

江制置使夏四月丙子賞張世傑戰功辛巳江萬里  
馬廷鸞辭免詔不允壬午知渠州張資上蓬州界白  
土神山蒲渡等處六年春戰功丙戌以安西都統張朝  
寶利東路安撫張玘領兵護錢粟鉤寧西軍還至水  
碓頭戰有功詔進賞己丑劉雄飛依舊樞密都承旨  
知沅州兼常德總辰沅靖五郡鎮撫使癸巳李庭芝  
特進一秩高郵縣夏世賢七世義居詔署真門五月  
己酉馬光祖依舊觀文殿學士提舉洞霄宮乙卯程  
元鳳薨贈少師庚申有星自斗宿距星東北急流向  
斗宿至濁没壬戌詔信陽諸將莫安邦朱興戰于石

取呂文煥呼延德戰福山楊青李忠戰石湫俱有勞  
 效推賞有差壬申京湖制司言故變路安撫徐宗武  
 沒于王事乞優加贈恤詔職任恩外騎官具一子承  
 節郎六月庚辰以呂文福為有勇團練使知濠州兼  
 淮西安撫副使甲申皇子是生辛卯家鑿為兩辭免新  
 命詔別授職庚子李庭芝辭免無淮東提舉不允秋  
 七月己酉觀文殿學士馬光祖乞守本官致仕詔允  
 所請庚申祈雨壬戌東南有星自河鼓距星西北急  
 流至濁沒八月戊寅詔郡縣收民田租毋巧計取贏  
 毋厚直折納轉運司申嚴按劾詔襄樊將士戰禦宣

力以錢二百萬犒師趣上其立功姓名補轉官員九  
 月丙午祈晴辛酉祀明堂大赦丙寅明堂禮成加上  
 壽和聖福皇太后尊號冊寶太師判太宗正事福王  
 主榮王祀事與芮加食邑一千戶冬十月甲申子憲  
 授檢校太尉武安軍節度使封益國公己丑呂文德  
 進封崇國公加食邑七百戶以湯漢為顯文閣直學  
 士提舉玉隆萬壽宮兼象山書院山長十一月戊辰  
 少傅文德乞致仕詔特授少師進封衛國公依所請  
 致仕十二月癸酉文德卒贈太傅賜諡武忠己卯以  
 范文虎為殿前副都指揮使壽和聖福皇太后尊號

冊寶禮成姪謝堂姪孫光孫等二十八人各轉一官  
餘劾推恩有差甲申以錢二百萬命京湖帥臣給犒  
襄鄂等處水陸戍士戊子詔安南國王父陳日曠國  
王陳威冕並加食邑一千戶大元兵築南新城

六年春正月壬寅以李處芝為京湖安撫制置使兼  
夔路策應使印應雷兩淮安撫制置使己酉以錢二  
百萬賜夔路策應使司備禦賞給庚戌以高定為湖北  
安撫使知鄂州孫虎臣起復淮東安撫副使知淮安  
州辛酉行成天曆丁卯上製字民教民二訓以戒百  
官戊辰以江萬里為福建安撫使二月辛未檢校少

保安德軍節度使與萊加食邑五百戶丁亥陳宜中  
經筵進講春秋終篇賜象簡金御仙花帶鞍馬丁酉  
以呂文福為淮西安撫副使兼知廬州己亥朱禔孫  
權兵部尚書仍四川安撫制置總領夔路轉運知重  
慶府二月庚子朔日有食之癸丑詔曰吏以廉稱自  
古有之今絕不聞豈不自章顯而壅於上聞歟其令  
侍從卿監郎官各舉廉吏將顯擢焉癸亥詔贛吉南  
安境數被寇雖有砦卒寇出沒無時莫能相救宜即  
要衝立四砦砦屯兵百使地勢聯絡禦寇為便從三  
郡擇將官領之夏四月戊寅以文天祥兼崇政殿說

書五月辛丑以吳革爲沿江制置宣撫使六月庚午  
詔太極圖說而銘易傳序春秋傳序天下士子宜肄  
其文戊寅賈似道託疾辭退疏十數上上留益堅禮  
異之曰師相而不名馬建鸞洎省部臺諫學館諸司  
連章請留似道庚辰子憲薨庚寅詔以襄郢水陸屯  
戍將士隆星露處出錢二百萬命京湖制司給賜秋  
七月復開州己亥更鑄印給之八月甲申瑞安府樂  
清縣嘉禾生詔薦士增四名壬辰詔郡縣行推排法  
虛加寡弱戶田租害民爲甚其令各路監司詢訪亟  
除其弊詔精擇監司守令監司察郡守郡守察縣令

置籍考覈歲終第其治狀來上癸巳以夏貴能舉職  
事進一秩詔似道十日一朝九月庚戌以黃萬石爲  
沿海制置使壬子台州大水冬十月丁丑遣范文虎  
總統殿司兩淮諸軍往襄樊會合備禦賜錢百五十  
萬犒師己卯詔台州發義倉米四千石并發豐儲倉  
米三萬石振遭水家甲申以陳宗禮趙順孫無權參  
知政事依舊同提舉編修敕令經武要略閏十月己  
酉安吉州水免公田租四萬四千八十石戊午詔殿  
步馬諸軍貧乏陣沒孤遺者多方此隆寒其賜錢二  
十萬米萬石振之十一月丁丑嘉興華亭兩縣水免

公田租五萬一千石民田租四千八百一十石庚辰  
詔襄郢屯戍將士隆寒可閱其賜錢二百萬犒師已  
丑都統張世傑領兵江防乙未詔陳宗禮進一秩爲  
資政殿學士依所請守無參知政事致仕十二月戊  
戌陳宗禮卒贈七秩己亥詔唐全張興祖等齎蠟書  
入襄陽往復甚艱各補轉三官賜錢二千緡大元兵  
築萬山城

七年春正月乙丑子昱授左衛上將軍進封建國公  
詔湯漢洪天錫赴闕詔戒貪吏辛未紹興府諸暨縣  
湖田水免租二千八百石有奇三月戊寅發屯田租

穀十萬石振和州無爲縣粟凶歲諸州饑辛巳日暈

赤黃周匝乙酉平江府饑發倉倉米六萬石吉州饑

發和糴米十萬石皆減直振糴丙戌詔減內外百司

吏額戊子發米一萬石建德府瀋糴詔臨江軍宣

聖四十七代孫延之子孫興改國子監試夏四月辛

亥免廣東提舉司監糴銀叁萬兩甲寅禮部侍郎陳

宜中壽之補外以顯文閣待制出知福州兼福建路

安撫使五月乙酉賜禮部進工張鎮孫以下五百二

人及第出身壬辰發米二萬石諸州糴糶六月癸

巳以錢百萬銀五十兩命知嘉定府書院書修城浚

壕繕甲安備禦過以轉震常行... 潼川京路安撫副使馬... 制濟高州... 特貸死配... 繁賜錢二百萬... 米振遭水家... 萬八千石... 文學已酉... 癸丑以隆... 州黃震言...

百萬靳不發... 兩秩武岡... 關戊午... 完賜名安... 院言吳... 三轉丁丑... 聞詔補... 來江水... 嘉定地... 不允...



四百八十八  
一秩宣勞官屬將士皆推恩八月壬辰朔日有人食之  
甲午以錢三百萬遣京湖制置李處芝詣鄂州調遣  
犒師丁未命沿江制置副使夏竦會合策應以錢二  
百萬隨軍給用九月乙亥顯文閣直學士湯漢顯文  
閣直學士洪天錫各五辭召命詔趣華文閣學士乃  
予祠祿己丑子焘生冬十月丙申少傅嗣秀王與澤  
薨詔贈少師追封臨海郡王癸丑從政郎朱璽孫進  
群經要略己未詔數步馬諸軍貧乏陣沒孤遺者方  
此隆寒其賜錢二十萬米萬石振之十一月癸亥詔  
民有以孝弟聞于鄉者守令具名上聞將進異勞

賜馬己巳詔湯漢官一轉端明殿學士依所請致仕  
十二月甲午詔諸路監司循按刑獄從優民徭史  
臺軍嚴覺察丙午以錢三十萬命四川制司下渠洋  
開州寧西鎮撫使張朝賢初司犒師己亥准東院領  
無知鎮江府趙潛乞祠祿不允謝方敷將叙復元官  
職惠國公致仕辛亥初置士籍戊午詔臺屬能持堪  
縣令者侍從臺諫給舍各舉十人卿監即官各舉五  
人制帥監司各舉六人知州軍監各舉二人  
八年春正月庚申詔朕惟崇儉必自宮禁始自今宮  
禁敢以珠翠銷金為首飾服用必罰無貸臣庶之家

咸宜暨卷工匠紀者亦如景祐制必從重要又詔有  
虞冬世三載考績三考黜陟幽明漢之爲吏者長子  
孫則其遺意也此年吏習矯薄人懷一切計日待遷  
事未克究又望而之他吏皆狎玩竊弄官政吾民笑  
賴焉繼自今內之郎曹外之牧守以上更不數易真  
有治狀昭著自宜獎異辛未子昂生己丑湯漢卒賜  
謚文清二月癸巳勅方叔卒贈少師前知台州趙子  
寅歿無所歸特贈直秘閣給沒官宅一區田三百畝  
養其孤遺以旌廉吏丙午以錢二百萬給犒農郢水  
陸戰戎將士三月丙子同知樞密院事兼權參知政

事趙順孫授中大夫夏四月戊子知合州利路安撫  
張玘劾築宜勝山城五月己巳王燦除觀文殿學士  
提舉萬壽觀無侍讀大元兵又圍襄樊棧兵既闕險  
不克進詔劉義將帥移駐新郢部轉張順張貴將  
死士二千人自上流夜半擊舟轉戰比明達襄城收  
軍閱視失張順六月丙申皮龍祭徙衛州丁酉以章  
鑑爲端明殿學士同簽書樞密院事同提舉經武要  
略以錢千萬命京湖制司權米百萬石轉輸襄陽府  
積貯乙巳以家敘翁兼權知紹興府浙東安撫提舉  
司事以唐履爲浙西吳興制獄王燦乞養新命不允

四百九十八  
都官團長等處名尚在  
東運司銀場病民  
四川制司詣湖北  
月辛未知靜江府  
胡頴乞祠祿詔勳  
有食之辛丑詔家  
米振通水家壬子  
福建安撫陳宜中  
卯詔洪天錫轉端  
明堂  
田結局已  
又舊設  
又言廣  
命  
七  
使  
日  
發  
詔  
制  
丁  
辛  
未  
明  
堂

禮成祀景靈宮還遇大雨改乘逍遙輦入和寧門肆  
赦庚辰詔以朱禩孫兼四川屯田使乙酉洪天錫卒  
贈五官謚文毅冬十月己亥紹興府言八月一日會  
稽餘姚上虞諸暨蕭山五縣大水詔減田租有差丁  
未以章鑑兼權參知政事右丞相馬廷鸞十疏乞骸  
骨詔不允庚戌以秋雨水溢詔減錢塘仁和兩縣民  
田租什二會稽湖田租什三諸暨湖田租盡除之辛  
亥陳宜中兼給事中十一月乙卯右丞相馬廷鸞累  
疏乞骸骨授觀文殿學士知饒州詔以隆寒殿步馬  
司諸軍貧窶安弁陣沒孤遺者振以錢粟丙辰陳奕以

殿前都指揮使攝侍衛步軍司馬軍司已未馬廷鸞  
辭免知饒州乞祠祿詔允所請以觀文殿大學士鄱  
陽郡公提舉洞霄宮壬戌命阮思聰赴樞密院稟議  
已巳詔明堂禮成安南國王陳日熨陳威是各加食  
邑一千戶賜鞭鞍馬等物十二月甲寅以葉夢鼎為  
少傅右丞相兼樞密使

九年春正月乙丑樊城破范天順牛富死之癸未詔定  
安豐統制金文彪朱文廣王文顯盛全滅河古河泉  
河珉河等處戰功行賞二月甲申詔鄂州左水軍統制  
張順沒身戰陣贈寧遠軍承宣使官其二子承信郎

立廟京湖賜額曰忠顯甲午朱禔孫撫綏備禦義不辭  
難敕書獎諭丁未以夏貴檢校少保庚戌呂文煥以  
襄陽府歸大元癸丑以朱澗寺戰功推賞來歸人馬  
宣沿江都統王喜等將士千五百七十餘人三月庚申  
賈似道言邊遽日聞請身督師以勵將帥詔不允四  
川制司言近出師成都劉整故吏羅鑑自北復還上  
整書橐一秩有取江南二策其一曰先取全蜀蜀平江  
南可定其二曰清口桃源河淮要衝宜先城其地屯山  
東軍以圖進取帝覽奏亟詔淮東制司往清口擇利  
城築以備之葉夢鼎辭免右丞相詔不允庚午遣金

吾衛上將軍阮思聰由平江鎮江及黃州行視城池凡合繕修增易者亟條奏丙子來歸方德秀補成忠郎栗勇揚林胡巨川補保義郎劉全補承信郎戊寅賈似道始奏李庭芝表言襄帥呂文煥以城降大元己卯加督萬壽寧遠軍承宣使職任仍舊庚辰夏貴辭免檢校少保不允壬午詔建機速房以革樞密院漏泄兵事稽違邊報之弊賈似道累疏請身督師詔勉留夏四月詔褒襄城死節右領衛將軍范天順贈靜江軍承宣使右武大夫馬司統制牛富贈金州觀察使各官其二子承信郎賜土田金幣恤其家甲申汪立信權兵

部尚書京湖安撫制置使知江陵府夔路策應使湖廣總領不許辭免以錢二百萬給立信開閩犒師葉夢鼎乞致仕遣官勉諭赴都堂治事辛卯以趙潛為淮西總領兼沿江制置建康留守詔黃萬石赴闕壬辰詔襄陽六年之守一旦而失軍民離散痛切朕心今年乾會節其免集英殿宴以錢六十萬給沿江制置趙潛江防捍禦癸巳知招信軍陳巖乞祠祿詔曰廼者邊吏弗戒致有襄難將士頓歲暴露邊方蕩析離居盡傷朕心爾閩臣專征方面宜身率諸將宣揚國威以賞戮用命不用命爾守臣有土有民宜申儆

國人保固封守爾諸將尚迪果毅一乃心力各以其  
兵敵王所憚今朕多誥爾其悉聰明訓毋懈毋悞習  
于故常功多有厚賞爾不克用勸罰固不得私也又  
如中外小大臣僚有材識超卓明控御之宜懷攻守  
之略者密具以聞一如端拱二年制書朕當虚心以  
聽李庭芝乞解罷詔赴闕壬寅詔復置樞密院都統  
制副都統制各一員丁未以高達為寧江軍節度使  
胡北安撫使知峽州詔忠州潛藩已升咸淳府刺史  
王達改授高州刺史李庭芝辭召赴闕詔與祠己酉  
詔南歸人復有戰功者予優賞揚春薛聚成陳君謨

周海周興各補成忠郎蕭成侯喜丁酉劉錡鄭歸各  
補承信郎以夏貴兼侍衛馬軍都指揮使庚戌詔汪  
立信賞罰調用悉聽便宜行事辛亥呂師夔言比賈  
似道得李庭芝書報臣叔父文煥以襄城降臣聞之  
隕越無地不能頃刻自安請以經略安撫轉運靜江  
府印委次官護之席橐俟命容臣歸省偏親誓當趨  
事赴功毀家紓難以贖門戶之愆以報君父之造詔  
不允五月乙卯以黃萬石權戶部尚書兼知臨安府  
浙西安撫使四川制司朱禊孫言兩部諸縣除正辟  
文臣外諸郡屬邑許令本司不拘外縣一體選辟文

臣以幸蜀之士民奏可丙辰知廬州呂文福言從元  
文煥以襄陽降為其玷辱何顏以任邊寄乞放罷歸  
田里詔不允呂師夔五疏乞罷任詔赴闕丁卯申禁  
奸民妄立經會私剗菴舍以避征徭保伍容荒不覺  
察坐之辛未劉雄飛乞致仕戊寅孝感感縣丞關應庚  
上書言邊防二十事詔授武當軍節度推官兼司法  
京湖制司量材任使庚辰馬軍司統制王仙昔在襄  
樊緣戰陷陣今復來歸特與官五轉充殿前司正額  
統制賜錢一萬布襄林椿年等上書言邊防十數事  
詔諸人上書凡言請以丞相似道督視者不允餘付

機速房六月刑部尚書兼給事中陳宜中言樊城之

潰牛富死節尤著以職卑贈恤下范天順一階未愜

輿情詔加贈富寧遠軍承宣使仍賜土田金幣恤其

家前四川宣撫司參議官張夔發詣賈似道上書陳

危急三策曰漢江口岸曰城荆門軍當陽界之玉泉

山曰峽州宜都而下聯置堡砦以保聚流民且守且

耕并圖上城築形勢賈似道不以上聞下京湖制司

審度可否事竟不行成都安撫使督萬壽去冬調將

士攻毀成都大城今春戰碣門五月遣統制楊國寶

領兵至雅州統領趙忠領兵至眉州兩路捍禦有勞

詔具將士宣力等第姓名以聞呂文福言文煥爲人  
扶擁以襄陽降非由已心詔與李庭芝元陳異同其  
審覈以聞庭芝表向在京湖來歸人吳旺等備言文  
煥父子降狀先納筦鑰旋獻襄城且陳策攻郢州請  
自爲先鋒言人人同制司案辭可徵非敢加誣人罪  
詔文福勉力捍禦不毋墜家聲京湖制司言去年冬間  
探司總管劉儀成與總制趙鐸領精銳至均州文龍  
崖立砦呂文煥既降均城受敵知郡劉懋偕劉儀等  
扞禦宣勞詔懋升右武大夫帶行左衛大將軍仍舊  
職儀添差荆湖北路兵馬鈐轄聰添差鄂州兵馬鈐

轄各官三轉將士官兩轉左藏東庫寒材望上書言  
邊事大可愛者七急當爲者五不報丙戌劉雄飛卒  
特贈一官戊子京湖制司請給器械詔內軍器庫選  
犀利者賜之仍贈錢百萬備脩繕四川制置朱禔孫  
言月奉銀計萬兩願以犒師向後月免請詔常祿勿  
辭已丑給事中陳宜中言乞正元文虎不力援襄之  
罰詔文虎降一官依舊知安慶府安南國進方物特  
賜金五百兩帛百疋癸卯汪立信言臣奉命分閩延  
見吏民皆痛哭流涕而言襄樊之禍皆由范文虎及  
俞興父子文虎以三衛長聞難怯戰僅從薄罰猶子



天順守節不屈猶或可以少贖其愆與奴僕庸材器  
量褊淺務復私讎激成劉整之禍流毒至今其子大  
忠挾多資爲父行賄且自希榮進今雖寸斬未足以  
快天下之忿乞實重典則人心興起事功可圖詔俞  
大忠追毀出身文字除名循州拘管又言守關進義  
副尉童明襄陽破拔身來歸且嘗立功開州乞補轉  
四官詔特與官兩轉閏月辛亥命殿前指揮使陳奕  
總統舟師備鄂州黃州江防癸丑來歸人郭珍補成  
忠郎張進張春張德林向德成王全妻德王興各補  
承信郎丙辰朝散郎師顯行進注皇朝文鑑前臨安

府司法梁炎午陳攻守之要五事不報命大理寺丞  
鍾蕪吳照視沿江堡隘兵艇戊辰知叙州郭漢傑言  
馬湖蠻王汝作鹿野蠻王沐丘帥蠻兵五百餘助官  
軍民義阻險馬湖捍禦有功詔賞汝作沐丘金帛及  
其部兵有差叙州總管曹順一軍凡在戰陣者趣具  
立功等第來上秋七月丁亥權紹興府節制兼統軍  
義文榮島及將校趙居敬丁福孟青蒲祥白貴史用  
羅宜王敏等九人成都之役沒于兵各追贈官褒仍  
官其子癸巳知達州趙章知開州鮮汝忠知渠州張  
資等復洋州戊戌張珪等復馬騮山八月癸丑權知

均州徐鼎總管盛聰戰房州胡師峪板倉乙卯房  
州李鑑調權竹山縣王國材統制熊權總轄馬宗明  
戰落馬坪白羊山詔有司各以勞效論賞九月辛巳  
以章鑑簽書樞密院事兼參知政事陳宜中同簽書  
樞密院事成都安撫使賀萬壽城嘉定烏尤山乙未  
以洪燾爲浙東安撫使丙申以黃萬石爲湖南安撫  
使冬十月己酉來歸人汪福許文政各官五轉癸丑  
鎮巢軍和州太平州諸將查文李支用孟杰等十一  
人以射湖岡萬歲嶺後港及焦湖北岸戰功咸賜爵  
賞癸亥雷四川制司言何炎向失洋州調知達州趙

晉寺率諸部軍義復之七月又復洋州吳勝保兩城  
權檢統轄謝益知洋州總制趙桂祥知巴州俾任責  
吳勝保戰守之事至是以功來上且以二州攝守  
臣請命于朝詔與正授丁丑兩淮制置使印應雷言  
老進二秩致仕李庭芝兩淮安撫制置使賜錢二百  
萬激犒備禦十一月壬午子縉授左衛上將軍封嘉  
國公以子知泰州龔渠遣其將王大顯等捍禦水砦  
有功又獲俘民以還詔水步兩軍將校凡用命者賞  
數有差甲午以夏貴爲淮西制置使兼知廬州夏  
沿江制置使兼知黃州呂文福知閩門事詔從太子庭

芝請分淮東西制置爲兩司就命庭芝交割淮東仍  
兼淮西策應使乙未以夏貴爲淮西安撫制置使賜  
錢百萬激犒備禦李庭芝辭免淮西策應使不允知  
安豐軍陳萬以舟師自城西大澗口抵正陽進屯  
兵力戰詔旌其勞十二月甲子以馬廷鸾爲浙東安  
撫使和紹興府丙寅權參知政事章鑑再乞解職政  
不允丁丑沿江制置使所轄四郡夏秋旱澇免屯田  
租二十五萬石

十年春正月壬午城鄂州漢口堡權總制施忠部將  
熊伯明知泰州龔準以天長縣東橫山秦潼湖青蒲  
口等處戰功推賞戊子江萬里以疾辭職任詔依舊  
觀文殿大學士提舉洞霄宮乙丑以留夢炎知潭州  
兼湖南安撫使庚寅城鄂州沌口西岸堡京湖制司  
言襄陽勇信中軍鈐轄吳信隨呂文煥北往今并妻  
子冒險來歸詔吳信赴闕制司仍存恤其家丙申江  
東沙圩租米以咸淳九年水災詔減什四乙巳雨土  
二月己酉以趙順孫爲福建安撫使辛酉詔諸制置  
就任升除恩數其告命衣帶鞍馬閣門勿差人給賜  
往要厚賂以失優寵制臣之意違者有刑三月巳卯  
免郡縣侵負義倉米七十四萬八千餘石夏四月乙

卯子昂授左衛上將軍進封永國公詔賞沿江都統  
王達黃侯戰黃連寺之功戊午以呂文福為常德辰  
沅澧靖五郡鎮撫使知沅州辛酉詔賞光州守陳若  
路分李全許彥德總管何成路鈴仰子虎等牛市販  
丁家在戰功烏蘇蠻王詣雲南軍前納款大元五月  
丁亥以高世傑為湖北安撫副使兼知岳州總統出  
戍軍馬辛丑馬廷鸞辭免觀文殿大學士知紹興府  
浙東安撫使詔不允壬寅張珩表請城馬駿虎頭兩  
山或先築其一以據險要六月戊午以銀二萬兩命  
雲對春府措置邊防秋七月壬午汪立信乞致仕不允

癸未帝崩于福寧殿遺詔太子焜即皇帝位甲申臺  
臣劾內醫蔡幼習詔奪五秩送五百里州軍居住二  
子並罷閣門職八月己酉上大行皇帝謚曰端文明  
武景孝皇帝廟號度宗德祐元年正月壬午葬于永  
紹陵

贊曰宋至理宗疆宇日蹙賈似道執國命度宗繼統  
雖無大失德而拱手權奸衰敝寢甚考其當時事勢  
非有雄才睿略之主豈能振起其墜緒哉曆數有歸  
宋祚尋訖亡國不干其身幸矣



加食邑一千五百命忠宣公以忠宣公故事獨班  
起居丙戌上皇太后命忠宣公以忠宣公故事獨班  
后曰皇太后又詔以生日為壽節成子命臨安府  
振贍總民字邪以宋興孫為京湖四川宣撫使無知  
江陵府之官詔無三邊將士命州郡舉遺逸除浙西  
安撫司兩浙轉運司臨安府見遣職賞錢詔求言八  
月甲辰詔乞言於老臣江嘗四里葉葉鼎馬廷繼為留夢  
炎趙順孫王燭李庭芝築滑河城以圖乘上詔庭芝  
進一秩宣勞將士具名推賞加知鄂州李雷應守軍  
哭既無知太平州孟之縉尚書兵部員外郎知江州武

真孫直寶章閣知鎮江軍洪起畏直敦文閣癸丑大  
霖雨天目山崩水涌流安吉臨安餘杭民溺死者工  
筭甲實太皇太后以老不能御正衙命暫以慈元殿  
為後殿辛酉作度宗廟戊辰以全清夫為昭信軍節  
度使謝堂檢校少保謝堂保康軍節度使馬廷鸞乞  
骸骨歸田里詔趣之任九月丁丑資政殿大學士光  
祿大夫王燭乞致仕詔不允戊寅發米振餘杭臨安  
兩縣水災餘杭災甚再給米二千石己卯似道乞免  
答拜從之辛巳覆試文武舉士人壬午覆試文武舉  
士人癸未大元兵大會于襄陽丙戌丞相伯顏將一

軍趣鄂州元帥唆都將一軍入淮霍招討將一軍徇  
 荆南丁亥大元軍薄鄂州戊子免被水州縣今年田  
 租甲午初開經筵丁酉天瑞節免徵臨安府公私房  
 賃錢十日以金符十三銀符百給夏貴激賞奇功已  
 亥試正奏名進士賜王龍澤以下出身有差壬寅有  
 星見西方委曲如蚓復州副將翟國榮遇大元兵戰  
 爛沈湖死之閩中旱冬十月丙午知達州趙章復洋  
 州加右驍騎尉中郎將大元兵破渠州禮義城知州  
 張資自殺丁未饒州布衣董聲應進諸史纂約兵鑑  
 刑鑑詔陞應充史館編校文字癸丑上度宗謚厲節

紹略司權參議官邢友龍擊潮州漳州寇破之乙卯  
 令州縣行義田義役丁巳友龍以下諸將文官轉官有  
 差大元兵攻鄂州都統制張世傑力戰禦之遂去由  
 藤湖入漢戊午鄂州副都統趙文義追戰全子湖死  
 恤其家庚申贈趙文義復州團練使官其二子立廟  
 復州壬戌以錢百萬給鄂州城屯戍將士甲子詔以明  
 年為德祐元年乙丑以章鑄同知樞密院事宗權參  
 知政事陳宣中又書樞密院事宗權參知政事大元  
 兵徇沙洋殺宗權官無司建總管三虎臣援之丙寅  
 飛破完巨鎮守官王天周官殺宗權宗權犯鎮星大

元兵至新城成... 出陸都... 以城降... 川宣撫使... 百萬激賞... 興府詔... 清遠軍... 楊邦賜... 參議官... 奏多士人... 丙戌以王... 煥為左丞... 相言... 為右丞... 相並

兼樞密使... 九月乞命... 左右丞相... 至是從之... 以張晏然兼... 京湖四川宣... 撫司參議官... 己丑至庚寅... 罷張試甲午... 括邸第戚畹... 及御前寺觀... 田令翰祖丁酉... 加安南國王... 陳日張寧遠功臣... 其子威亮奉正... 功臣十二月... 癸卯朔命建康府太平... 州池州後避兵... 罪民以隆興... 勞賜京湖及沿江戍守... 將士甲辰詔准... 兩四郡水旱... 去年屯田未輸之租... 其勿徵丁未提... 舉興國宮官... 師夢請募兵... 江州詔知州... 錢真孫同募尚... 書省以錢崇... 給之癸丑大元兵攻陽... 邏使夏貴以兵... 力守武定軍... 都統制王





景泰元年人請降于黃州成寧人認浙東鄭氣出米減價  
糶民壬午年莽寇示于永紹陵大元兵入蕪州參承似  
道以臣師變權刑部尚書都督府參贊軍事在江流  
調遣乙酉以陳官亭同知樞密院事參知政事臣  
師變錢身孫遣人請降于蕪州丙戌大元兵徇江州  
知安東州陳巖夜遁邳州降知壽昌軍胡安麟當治  
于江州丁亥自殺戊子知南康軍葉開遣人請降于  
江州似道出師知德安府采興國以城降襲路安撫  
張起巖與其將七德攻開州復取之己丑知安慶府  
范文虎遣人以酒饌如江州迎師乙未附庶宗神主

于新宮以孫虎臣為寧武軍節度使戊戌赦宗幾罪  
池州都統張林遣人請降于江州大元兵入安慶范  
文虎降通判員簡帥樂死是月知達州解汝忠以城  
降二月癸卯似道以臣為都督府計議官使大元  
軍中甲辰以黃鶴石為江西南路副置使加湖北制  
置副使高達檢校少保崇獻大元兵入池州守道  
卯發有經死宗亦如臣中請籍臣孫幾終不得請而  
還卒乙酉劉成而遠軍承宣使乙卯五都鎮撫王文  
福遣西都淮兵入蕪降罪廢之丙辰宗嘗言欲退命  
都督府設與改官亦受高之改事己未加張瑄為福

州觀察使元從以下各將五百人廣寧府臣與大元兵  
戰于丁家洲敗走奔魯州不戰而去似道虎臣  
以軍解奔揚州似道遣使諭魯州龍以都督府印奪臨  
安立成大元兵徇饒州知州言震死之故相江萬里  
赴水死通判萬道同以城降沿江制置大使趙潛知  
鎮江府洪起吳知寧國府趙興可知隆興府吳益皆  
奔城遁知和州王喜以城降建康都統公福出迎大  
元兵甲子大元兵至臨江軍民盡云知軍帥廩死之  
似道上書請遷都乙丑下公卿雜議王煥言已不能  
與大計遂去張世傑將兵入衛陞安道饒州復取之

元王海壽時表恩呂再興皆戰死江西提刑  
文天祥起兵勤王丙寅以天祥為江西安撫副使知  
贛州起入衛詔募兵以謝堂為兩浙鎮撫使謝全保  
寧軍節度使全永堅謝堂並檢校少保戊辰徵兩浙  
福建諸郡願棄兵之半入衛湖南提刑李芾以兵勤  
王知江陰守鄭瑄奔城道知無為軍劉燿知太平州  
孟之縉皆以城降己巳大元兵攻嘉定九頂山都統侯  
興戰死以陳宜中知樞密院事兼參知政事曾淵子  
同知樞密院事兩浙安撫制置大使兼知臨安府文  
及翁簽書樞密院事倪普同簽書樞密院事召三倫

四百八十八  
為浙西江東宣撫招撫大使使居京師以備咨訪遺  
大元國信使郝經等歸者年加夏魯蘭府儀同三司  
令以所部兵入衛令長吏給經過兵民錢米一切勿  
征稅應編配拘鎖人除備造關會疆劫盜放火者餘  
悉縱之放免浙西公田通米及諸處見監贓諸文武  
官在諫籍者並放自便與叙復改正放參親民加張  
珪寧遠軍節度使魯萬壽保康軍節度使張世傑和  
州防禦使令將兵入衛陳宜中乞誅似道詔罷似道  
平章鄧錡等祠趙鼎可除名令臨安府捕案之招似  
道遺兵卒未忘丞相章鑑遁三月壬申朔詔復茶鹽

市舶法似道諸不恤民之政以第除之以公田給佃  
主令率其租戶為兵戢前指揮使韓震請遷都陳宜  
中殺之雲所部兵叛攻嘉會門射火箭至大內急發  
兵捕之皆散走癸酉郝經歸吐榮迎大元兵入建康  
府鎮江統制石祖忠請降于建康命浙西提刑司準  
備差遣劉經成吳江西浙轉運司準備差遣羅林洪  
西安撫司參議官張濡成獨公關山陰縣丞徐該正  
將郁天興成四安鎮龍淮為大府寺丞成銀樹栗霸  
湖北安撫司計議官吳繼明攻通城縣獲取之執縣  
令以歸遣使召章鑑還朝甲戌以似道為醜泉觀使

四百八十一  
大元在三年無錫縣知縣阮應得出戰一軍皆沒應得赴  
水死詔發兵戍天江乙亥發兵戍獨不發銅嶺詔諭呂  
文煥陳元光文煥使通和議息兵以王倫為左丞相  
無權密使閩中地復太辰丙子下詔罪己以陳宜中  
為特進右丞相兼樞密使罷章鑑官予祠侍御史陳  
過請察實似道併治其黨人翁應龍等不俟報而去  
監察御史潘文卿李可乞從過所請乃命捕應龍下  
臨安府獄罷廖瑩中王慶劉良貴游汝朱浚陳伯大  
董程貴洪起畏鎮江自效丁丑知滁州王應龍以城  
降巴邠杖翁應龍刺配土陽軍命王煥陳宜中並都

督諸路軍馬加呂文福福州觀察使庚申贈唐震華  
文閣待制削萬道同三官罷之壬午復吳潛向士璧官  
知常州趙與鑿聞兵至遁常民錢訾以城降甲申大  
元兵至西海州安撫丁順降乙酉知東海州施居文乞  
降于西海州知平江府潛說友通判胡玉林鏗以城降  
加張世傑保康軍承宣使總都督府諸軍丙戌知廣  
德軍令狐燦以城降徙浙西提點刑獄司子平江府張  
世傑遣其將閻順李存進軍廣德謝洪永進軍平江  
李山進軍常州丁亥張德以下各轉官有差謝元等贈  
十官有星二闕於中天頃之一星隕巳丑滁人執王應

龍歸於揚州殺之加呂文福保康軍承宣使趣入衛文  
福至饒州殺使者入江州降大元庚寅左司諫潘文卿  
右正言季可同知樞密院曾淵子兩浙轉運副使許  
自浙東安撫王霖龍相繼皆遁簽書樞密院文及翁  
同簽書樞密院倪普諷臺臣劾已章未上亟出關遁  
知安東州孫嗣武以城降兩土辛卯命在京文武官並  
轉兩官其畔官而遁者令御史臺覺察以聞闔順戰  
安吉縣復取鳳平張濡部曲害大元行人嚴忠範于  
獨松關執廉希賢至臨安重創死壬辰岳州安撫高  
世傑軍洞庭中大元兵攻之世傑降癸巳攻岳州總

制孟之紹以城降甲午詔褒諭張世傑闔順諸將各  
轉官有差乙未免安吉縣今年夏田租有戰沒者縣  
令丞恤之丙申顧順攻廣德軍復取之以陳合同簽  
書樞密院事丁酉贈邊居義利州觀察使戊戌赦邊  
城降將罪能自拔而歸者錄之復一州者予知州復  
一縣者予知縣所部僚吏將卒及土豪立功者同賞  
罷章鑑祠官并奪宰輔恩數曾淵子削兩官奪執政  
恩數陳過陳堅徐卿孫各削兩官奪侍從恩數趙與  
鑒追兩官罷之遇赦永不收叙罷許自王霖龍令淮  
東制置司用標由庚子徙淮東總領所于江陰軍加

吳繼明閤門宣贊舍人四月壬寅朔贈趙卯發華文  
閣待制貶陳過平江府雄江軍統制洪福率衆復鎮  
巢軍甲辰贈江萬里太師謚文忠輟視朝二日乙巳  
大元兵入廣德縣知縣王汝翼與寓居官趙時晦率  
義兵戰鬥山路分孟唐老與其二子皆死汝翼被執  
至建康死之王大用贈三官王虎臣贈兩官官其二  
子丙午大元兵破沙市城都統孟紀死之監鎮司馬  
夢求自經死戊申京湖宣撫朱禔孫湖北制置副使  
高達以江陵降京湖北路相繼皆下張起巖提兵保  
飛山巳酉命劉師勇戍平江府辛亥顧順諸將各轉

三官孟唐老贈三官壬子以高斯得簽書樞密院事  
無權叅知政事總統張敏與大元兵戰豐城死之癸  
丑贈五官官其一子阮應得贈十官乙卯以福王與  
芮爲武康寧江軍節度使判紹興府丙辰王爚來令  
如文彥博故事自朝叅起居外並免拜以樞密副使  
召夏貴提兵入衛丁巳總制霍祖勝攻溧陽縣復取  
之戊午贈張資眉州防禦使侯興復州團練使乙未  
文及翁倪普並削一官奪執政恩數潛說友削三官  
奪侍從恩數庚申入狄檠除名配鬱林州牢城籍其  
家知金壇縣李成大率義局官含山縣尉胡傳心陽

春主簿潘大同濠梁主簿潘大誥進士潘文孫潘應奎攻金壇縣取之鎮江統制侯岩縣尉趙嗣濱復助大元兵來戰成大二子及大同等皆死執成大以歸壬戌大元兵攻真州知州苗再成宗子趙孟錦率兵大戰于老鶴嘴癸亥加知思州田謹賢知播州楊邦憲並復州團練使趣兵入衛有大星自心東北流入濁没乙丑熒惑犯天江提舉太平興國宮常楸請立濟王後丁卯加李庭芝叅知政事戊辰詔宜興溧陽民兵助戰有功特免今年田租江陰民被兵其租亦勿收責庚午大元兵至揚子橋揚州都撥發官雷太

震戰死是月當德鼎遭害降五月辛未朔命宰執日赴朝堂治事旌德縣城守有功免其民今年田租癸酉大元兵至寧國縣知縣趙與禧出戰死甲戌淮安總制李宗榮知慶遠府沈子真將兵來勤王乙亥加苗再成揚州團練使趙孟錦揚州都統司計議官以洪福知鎮巢軍丁丑詔趙潛統軍民知屯江陰劉師勇攻常州復取之執安撫戴之泰司戶趙必倫總管陸秀英死戊寅淮東兵馬鈐轄阮克已將兵來勤王丙午左院騎中郎將己卯賜蔡州處士何基謚文定王拍承事郎加張鈺檢校少保四國勳司使知重



慶府庚辰贈雷大震保康軍節度使辛巳加節師勇  
濠州團練使其將劉圭以下各轉官有差戊子贈潘  
大同等官餘有功人並轉兩官辛卯與潛說友南安  
軍吳益汀州並籍其家罷李廷送婺州籍呂文煥孟  
之縉陳奕元文虎家甲午饒信州饑令民入粟補官  
罷市船分司令通判任船事淮東西官民兵各轉一  
官丙申詔張世傑張彥阮克己仇子真四道出兵遣  
使告天地宗廟社稷諸陵宮觀己亥勞軍吳繼明復  
蒲坊通城崇陽三縣加帶行帶御器械權知鄂州令  
一擇險為官署鮑廉百華文閣官其一子通與補百

華文閣六月庚子朔日有食之既晝晦如夜咎萬壽  
以嘉定及三龜九頂紫雲城降知敘州李演將兵援  
嘉定府遂解歸戰羊雅江兵敗被執辛丑太皇太后  
詔削尊號聖福字以應天戒復魏克愚官太學生蕭  
規唐棣並補承信郎知嘉興府余安裕坐聞兵求去  
貽書朝中語涉不道削一官送徽州徐卿孫削一官  
貶吉州命侍從官已上各舉才堪文武者五人餘廷臣  
各舉三人雖在謫籍亦聽舉之丙午王應麟言開慶  
之禍始於丁大全請凡大全之黨在謫籍者皆勿宥  
從之己酉免廣德軍今年田租及諸郡縣未納綱解

王應麟繳還章鑑曾淵子錄黃言韓震為逆二人實  
芘之且淵子芘翁應龍致有逸罰又嘗竊府庫金以  
遁庚戌命削鑑一官放歸田里淵子再削一官徙吉  
州誅翁應龍籍其家辛亥銓試甲寅留夢炎入朝王  
燾請相夢炎乞以經筵備顧問中請相夢炎乞祠  
詔二相毋藉此求閒以燾為平章軍國重事一月兩  
赴經筵五日一朝宜中左丞相兼樞密使都督諸路  
兵夢炎右丞相兼樞密使都督諸路兵乙卯詔求言  
知敘州郭漢傑以城降丙辰疏決在京罪人免引見  
戊午知瀘州梅應春以城降己未以李庭芝知樞密

院事兼參知政事庚申知富順監王宗義以城降王  
應麟復繳還曾淵子貶吉州錄黃癸亥貶韶州丙寅  
吳繼明諸將各轉官有差丁卯朱櫻孫除名籍其家  
秋七月庚午朔江西制置黃萬石移治撫州詔還隆  
興府辛未張世傑諸軍戰焦山下敗績甲戌徙似道  
居婺州廖瑩中除名貶昭州王庭除名貶梅州徙曾  
淵子雷州寧國吏楊義忠率義兵出戰死乙亥贈武  
功大夫丁丑徙似道建寧府太白入東井庚申加知  
高郵軍楮一正閣門宣贊舍人知懷遠軍金之才帶  
御器械知安淮軍高福閣門祗候知泗州譚興閣門

宣贊舍人知濠州孫立右衛大將軍賞守邊功壬午  
太白晝見詔饒州被兵令免今年田租路鈴劉用調  
兵入靖州知州康王劫之通判張起岩入殺玉復靖  
州癸未拘內司局錢餉兵丙戌令權糴公田今年租  
每石以錢十貫給佃主十貫給種戶其鎮江常州江  
陰被兵者勿糴庚寅謫似道爲高州團練使貶循州  
籍其家糴浙西邸第寺觀田米十之三追復皮龍榮  
官監司郡守避事不即到官者令御史臺覺察以聞  
辛卯王燭子熈京學生劉九臯等伏闕上書言宜中  
擅權黨似道比趙潛說友使門客子弟交通關節

其誤國將甚於似道宜中去遣使四輩召之皆不至  
謝堂乞罷兩浙鎮撫司不從張世傑乞濟師不報壬  
辰下劉九臯等臨安獄罷王燭爲醴泉觀使癸巳以  
夏貴知揚州朱煥知廬州甲午遣使召宜中還朝乙  
未以陳文龍同簽書樞密院事兼權參知政事通判  
婺州張鎮孫聞兵遁罷其官貶胡玉連州林鐘韶州  
並除名沿江招討大使汪立信卒丙申削李珣兩宮  
貶潮州以開慶兵禍追罪史嵩之奪其謚戊戌遣使  
召宜中還朝八月己亥朔總制毛獻忠將衢州兵入  
衛辛丑疏決臨安府罪人壬寅右正言徐直方適加

夏貴樞密副使兩淮宣撫大使李希湖南鎮撫大使  
總制戴虎破大南砦轉三官加張起岩太府寺丞知  
靖州盜用以下立功人各轉官有差大元兵駐巴陵  
縣黃沙乙巳吳繼明復平江縣戊申試大學上舍生  
己酉拘閩貴妃集慶寺賈貴妃演福寺田還安邊所  
庚戌劉師勇攻呂城破之癸丑復嘉定七司法丁巳  
遣使召宜中還朝加張世傑神龍衛四廂都指揮使  
總部督府諸兵戊午加劉師勇和州防禦使熒惑犯  
南斗趙淇除大理少卿王應麟封還錄黃言昔內外  
以寶玉獻似道淇兄弟為甚己未遂罷之甲子以文

天祥為浙西江東制置使兼知平江府乙丑揚州文  
武官轉兩官加吳繼明湖北招討使朱旺諸將各轉  
三官九月己巳陳宜中授觀文殿大學士醴泉觀使  
兼侍讀左司諫陳景行請令講官坐講陪宿直從之  
辛未加田謹賢福州觀察使楊邦憲利州觀察使趣  
入備己卯陳宜中乞任海防不允辛巳有事于明堂  
赦李成大被執不屈死壬午贈五官丙戌命文天祥  
為都督府參贊官總三路兵會稽縣尉鄭虎臣部送  
之貶所至漳州殺之大元兵至泰州和州孫虎  
臣自殺庚寅贈太尉免靖州今年田租辛卯徙李珣

梧州乙未劉良貴再削兩官貶信州張彥與大兵戰  
敗被執以城降冬十月己亥加張世傑沿江招討使  
劉帥勇福州觀察使總統出戍兵壬寅宜中來癸卯  
玉麟殿災丁未以夢炎為左丞相宜中為右丞相並  
兼樞密使都督城臨安辛亥以張世傑為沿江制置  
副使兼知江陰軍兼浙西策應使丁巳太白會填星  
戊午領戶部材用常楙中書舍人王應麟請立濟上  
後贈夏椅直秘閣徵紹興府處士陸應月為史館編  
校文字壬戌大元兵發建康參政阿刺罕四萬戶總  
管與魯赤將右軍出四安鎮趣獨松關參政董文炳

差文忠元將左軍出江入江陰軍丞相伯璠將中軍入  
常州受惑犯壘壁陣癸亥張全尹王麻士龍援常州  
士龍戰虜擒死全奔五牧朱煥至廬州貴不內煥歸  
復以為淮東制置副使陳合坐區原營中家資悉執  
政恩數甲子尹玉戰五牧死之張全不戰遁丙寅逐  
趙潛趙與可鄭端所募兵認中外官有習兵畧者各  
以書乘上是日李世傑少江陰降十一月丁卯朔銅  
關將貝寶胡岩起攻溧水死贈寶武翼都君起朝奉  
郎庚午以陳之請同知樞密使也無禮參知政事黃  
鑄同簽書樞密院命諸制司各舉才堪將帥者十人

不限偏裨士卒如不無等中其計以置自薦卒未起  
居舍人曾唯辭官不允之癸酉詣京至濠州團練使  
麻士龍高州刺史免罪全宋終始陳退師罪丁丑詔  
被俘將士能率衆來歸者以之數補官能立功者予  
節級諸閩以下官以所招人多寡行賞戊寅大元兵  
破廣德軍己卯破四安鎮正將胡曉等死之召文天  
祥入衛辛巳會囉削一官免太白犯房壬午大元兵  
至隆興府黃萬石奔撫州道轉運判官劉槃以隆興  
降癸未大元兵破興化縣知縣胡拱辰自殺甲申中  
書人王應麟等免兼給事中不允大元兵至常州

招降不聽攻二日破之屠其城知州姚崇通判陳焯  
都統王安節皆死劉師魯潰圍奔平江乙酉改宣興  
縣為南興軍禮部侍郎陳景行辭官不允去丙戌贈  
濟王太師尚書令進封鎮王遜昭肅令福王與芮擇  
後奉祀賜田萬畝丁亥獨松關告急文天祥入衛  
戊子調民兵出守餘杭錢瑋己丑獨松關破馮驥死  
之張瑄等皆望風皆遁通判平江府鄭時道庚寅通  
判王矩之都統制王邦彥遣人迎降于常州辛卯大  
元兵趨溧陽都統密二戰丁亥那六敗死之癸巳  
以張世傑為浙西副置副使兼知平江府甲午權禮

部尚書王應麟遁黃萬石提兵走建昌軍乙未左丞  
相夢炎遁丙申遣使召夢炎還朝賜餘杭武康長興  
縣民錢并免今年田租鄭曉降一官罷通判蕪州施  
至道以城降十二月丁酉朔詔許似道歸葬以其祖  
田廬還之戊辰復趙與可爲都督府參議官庚子  
自便己亥贈王汝雷共朝奉郎庚子以吳玠書樞密  
院事黃鑄無權參知政事遣柳岳奉書詣大元軍中  
稱盜殺廉尚書乞班師脩好癸卯以陳文龍爲參知  
政事無權知樞密院事賜謝堂同進士出身同知樞  
密院事甲辰贈姚山言龍圖閣待制其父肅得贈太師

陳焯直寶章閣馮巖庚子錄修撰言加興府告急給封  
樁庫錢爲兵備命趙與儀成紹雲縣復季司官令如  
龍泉縣募兵乙巳以陳景行爲浙東安撫副使成處  
州起方逢辰成淳安縣丙午起封三文德和義郡王  
丁未出安邊封樁庫金付浙東諸郡爲兵備大元兵  
入平江府起吳君權爲大府少卿庚子平兵遣  
使召夢炎應<sup>麟</sup>皆不至戊申張世傑入集加檢校少  
保降詔獎諭王燭堯輟視朝二日乙酉詔陸秀夫刑部尚  
書馬庚戌柳岳還癸丑遣宗正少卿陸秀夫刑部尚  
書夏士林兵部侍郎呂師孟使軍前詔呂文煥趙孟

桂通好已未方輿丁廣趙文禮兵皆敗歸庚申以柳  
岳為工部侍郎洪雷震為右正言便燕新請大元兵  
破大洪山知隨州朱瑞履降權吏部尚書丁應奎左  
侍郎徐宗仁通等及遣使召夢炎不至

德祐二年春正月丁卯朔大元兵自元年十月圍潭  
州湖南安撫兼知州李希憲守三月大小戰數十合  
力盡將破希憲闔門死郡人知備州尹毅亦舉家自焚  
帥司參議楊震及幕屬陳億孫顏應炎等皆從希死  
守將吳繼明劉存忠以城降雷慶降通判曾如驥死  
之陸秀夫等至大元軍中求稱姪納幣不從稱姪孫

不從戎長還太皇太后命用臣禮已巳嘉興守劉漢  
傑以城降庚午同簽書樞密院事黃鑄參知政事陳  
文龍遣以謝堂為兩浙鎮撫大使文天祥知臨安府  
金永堅浙東撫諭侵幸未命吳玠為左丞相兼樞密  
使常赫參知政事日午宣麻燕元徽文班止六人諸  
闕兵蒸積遣監察御史劉已奉表詣上上大元皇帝  
尊號曰仁明神武皇帝歲奉銀絹二十五萬乞存境  
土以奉蒸嘗癸酉左司諫陳孟虎監丞御史孔應得  
道焚感犯不星甲戌大元兵至瑞州知州趙彥奔城去  
乙亥以曹良翰慶知臨安府丙子命吉王是信三王出



四日九午  
鎮丁丑以夏士林簽書樞密院事已卯加金永堅太尉叅知政事常楙適三學生哲元不云特與放釋禱出身以楊亮節為福州觀察使提舉言王府行事俞如直為環衛官提舉信王府行事大元兵入安吉州知州趙良淳自經死月量東并庚辰簽書樞密院夏士林適卒已祀太乙宮癸未升封言王是為益王判福州福建安撫大使信王易為廣王判泉州兼判南外宗正事以留夢炎為江東西湖南北宣撫大使甲申大元兵至皇亭山遣監察御史楊應奎上傳國璽降其表曰宋國主臣曷謹百拜奉表言臣恥然幼沖

遭家多難權奸似道背盟誤國至勤興師問罪臣亦不能遷避以求苟全今天命有歸臣將焉往謹奉太皇太后命削去帝號以兩浙福建江東西湖南二廣兩淮四川見存州郡悉上聖朝為宗社生靈祈哀請命伏望聖慈垂念不忍臣三百餘年宗社遂至隕絕曲賜存全則趙氏子孫世世有賴不敢弭忘是夜丞相陳宜中適張世傑蘇劉義劉師勇各以所部兵去乙酉以文天祥為右丞相兼樞密使都督丙戌命天祥同吳堅使大元軍賜家鉉翁進士出身簽書樞密院事賈餘慶同簽書樞密院事知臨安府戊子知建

德軍方回知婺州劉怡知處州梁琦知台州楊必大  
皆降是月知臨江軍滕岩瞻迨二月丁酉朔日中有  
黑子相盪如鷲卯辛丑率百官拜表祥曦殿詔諭郡  
縣使降大元使者入臨安府封府庫收史館禮寺圖  
書及百司符印告敕罷官府及侍衛軍士寅猶遣賈  
餘慶吳堅謝堂劉岳家鉉翁充祈請使是日大元軍  
軍錢塘江沙上潮三日不至三月丁丑入朝五月丙  
申朝于上都降封開府儀同三司瀛國公是月陳宜  
中等立昱于福州後二年四月昱殂于硎洲陸秀夫  
等復立衛王昺後三年始平之

贊曰司馬遷論秦趙世系同出伯益夫稷契伯益其  
子孫皆有天下至於運祚短長亦係其功德之厚薄  
焉趙宋雖起於用武功成治定之後以仁傳家視秦  
宜有間矣然仁之敝失於弱即文之敝失於僊也中  
世有欲自強以革其敝用率其方馴致焚擾建災而  
後土宇分裂猶能六主百五十年而後亡豈非禮義  
足以維持君子之志恩惠足以固結黎庶之心歟瀛  
國四歲即位而天兵渡江六歲而群臣奉之入朝漢  
劉向言孔子論詩至殷士膚敏裸將于京喟然嘆曰  
大哉天命善不可不傳於後嗣是以富貴無常至哉

言乎我皇元之平宋也吳越之民市不易肆世祖皇帝命征南之帥輒以宋祖戒曹彬勿殺之言訓之書曰大哉王言一哉王心我元一天下之本其在于茲二王者度宗庶子也長建國公是母淑妃楊氏季永國公昺母脩容俞氏度宗崩謝太后召賈似道等入宮議所立衆以為昺長當立似道主立嫡乃立焘而封昺為吉王昺信王德祐二年正月文天祥尹臨安請以二王鎮閩廣不從始命二王出閣大元兵迫臨安宗親復以請乃徙封昺為益王判福州福建安撫大使昺為廣王判泉州兼判南外宗正以駙馬都尉

楊鎮及楊亮節俞如珪為提舉大元兵至高亭山鎮等奉之走婺州丞相伯顏入臨安遣范文虎將兵趣婺召鎮以王還鎮得報即去曰我將就死於彼以緩追兵亮節等遂負王徒步匿山中七日其將張全以兵數十人始追及之遂同走温州陸秀夫蘇劉義繼追及於道遣人召陳宜中于清澳宜中來謁復召張世傑于定海世傑亦以所部兵來溫之江心寺高宗南奔時嘗至是有御座在寺中衆相率哭座下奉昺為天下兵馬都元帥昺副之乃發兵除吏以秀王與暉為福建察訪使兼安撫知西外宗正趙吉甫知南

外宗正兼福建同提刑先入閩中撫吏民諭同姓太  
皇太后尋遣二宦者以兵八人召王于溫宣中等沉  
其兵江中遂入閩時汀建諸州方欲從黃萬石降聞  
是將至卽閉城却使者萬石將劉俊宋彰周文英輩  
亦多來歸五月乙未朔宣中等乃立昱于福州以爲  
宋主改元景炎冊楊淑妃爲太后同聽政封信王昺  
爲衛王宜中爲左丞相兼都督李庭芝爲右丞相陳  
文龍劉黻爲參知政事張世傑爲樞密副使陸秀夫  
爲簽書樞密院事命吳浚趙潛傅卓李珏翟國秀等  
分道出兵改福州爲安 福溫州爲瑞安府郊赦是

日黎明有大聲出府中衆皆驚仆文天祥自鎮江亡歸  
庚辰以爲右丞相兼知樞密院事遣其將呂武入江  
淮招豪傑杜濬如溫州募兵廣東經畧使徐直諫遣  
梁雄飛請降于隆興帥府乃假雄飛招討使使徇廣  
州既而直諫聞昱立命權通判李性道摧鋒軍將黃  
俊等拒雄飛于石門性道不戰俊戰敗奔廣州直諫  
弃城遁六月丙子雄飛入廣州諸降將皆授以官俊獨  
不受遂爲衆所殺吳浚聚兵于廣昌取南豐宜黃寧  
都三縣翟國秀取秀山傅卓至衢信諸縣民多應之者  
命文天祥爲同都督七月丁酉進兵南劍州欲取江

西是月吳浚兵敗於南豐翟國秀聞兵至遂引還傳卓兵敗詣江西元帥府降平章阿里海牙破嚴關馬暨退保靜江府八月漳州亂命陳文龍為閩廣宣撫使以討之甲戌秀王與畢圍婺州丙子聞大兵至遂解歸以王積翁為福建提刑招捕使知南劍州備禦上三郡黃恠為同提刑招捕使知漳州備禦下三郡張世傑遣兵助吳浚與元帥李恒戰兜零兵敗奔寧都興化石手軍亂九月復以陳文龍知興化軍東莞人熊飛為黃世傑守潮惠二州聞趙潛至即以兵應之攻雄飛于廣州壬寅雄飛遁熊飛遂復韶州新會令

曾逢龍亦帥兵至廣州李性道出迎謁飛與逢龍執而殺之衢州守將魏福興出戰福星橋死壬子趙潛入廣州是月招討也的迷失會東省兵于福州元帥呂師夔張榮實將兵入梅嶺十月壬戌朔文天祥入汀州趙潛遣曾逢龍就熊飛禦大軍于南雄逢龍戰死熊飛奔韶州大軍圍韶州守將劉自立以城降飛率兵巷戰兵敗赴水死十有一月參政阿刺罕董文炳將兵至處州李珣以城降甲辰秀王與畢逆戰于瑞安觀察使李世達死之與畢及其弟與慮子孟備監軍趙由璫察訪使林温被執皆死阿刺罕兵至建

嘉靖丁巳年 監生陳大化刊

寧府執守臣趙崇鑑知邵武軍趙時賞知南劍州王積翁皆棄城去乙巳是入海癸丑大軍至福安州知州王剛中以城降是欲入泉州招撫蒲壽庚有異志初壽庚提舉泉州舶司擅蕃舶利者三十年是舟至泉壽庚來謁請駐蹕張世傑不可或勸世傑留壽庚則凡海舶不令自隨世傑不從縱之歸繼而舟不足乃掠其舟并沒其貲壽庚乃怒殺諸宗室及士大夫與淮兵之在泉者是移潮州是月福興化皆降英德守臣凌彌堅徐夢得等亦降十二月辛酉朔趙潛奔廣州遁乙丑制置方輿亦遁吳浚退走入瑞金戊辰

蒲壽庚及知泉州田真子以城降知興化軍陳文龍嬰城不下乙酉通判曹澄孫以城降文龍被執不屈死是次甲子門至元十四年正月大軍破汀關癸巳知循州劉興降壬寅吳浚奔瑞金遁鎮撫孔遵入瑞金文天祥走漳州浚尋還汀州降戊申知潮州馬發及其通判戚繼祖降癸丑復來歸丁巳權知梅州錢榮之以城降二月大軍至廣州縣入趙若岡以城降廣東諸郡皆降三月文天祥取梅州陳文龍從子瓚舉兵殺守將林華據興化軍四月文天祥取興國縣廣東制置使張鎮孫襲廣州取之梁雄飛等棄城走

韶州五月張世傑將兵取潮州文天祥提兵自梅州出  
江西入會昌縣淮民張德興亦起兵殺大湖縣丞王  
德顛據司空山攻下黃州壽昌軍丁巳遇宣慰鄭鼎  
戰樊口鼎墜水死六月辛酉文天祥取雩都巳卯入  
興國縣七月遣兵取吉贛諸縣圍贛州衡山人趙璠  
撫州人何時皆起兵應之乙巳張世傑圍泉州遣將  
高日新復邵武淮兵在福州者欲殺王積翁以應世  
傑皆為積翁所戮江西宣慰李恒遣兵援贛州而自  
將兵入興國八月文天祥諸將兵皆敗乃引兵即鄒  
鳳于永豐瀉兵亦潰巳巳熒惑掩月天色赤壬申文

天祥兵敗于興國巳卯大軍破司空山張德興敗亡  
走甲申天祥至空坑兵盡潰遂挺身走循州諸將皆  
被執九月元帥唆都援泉州戊申張世傑歸淺渚左  
丞塔出將兵入大庾嶺叅政也的迷失將兵復取即  
武入福州十月甲辰唆都破興化軍陳瓚死之進攻  
潮州烏發拒之乃去攻惠州十月塔出圍惠州庚寅  
張頴孫以城降元帥劉深以舟帥攻是于淺渚是走  
秀山陳宜中入占城遂不反十二月丙子是至井澳  
颶風壞舟幾溺死遂成疾旬餘諸兵士始稍稍來集  
死者十四五丁丑劉深追是至七州洋執俞如璽以

歸十五年正月大軍夷廣州城張世傑遣兵攻雷州  
不克已酉大軍克涪州執守將王明二月大軍破潮  
州蕭發死之三月文天祥取惠州廣州都統凌震轉  
運判官王道夫取廣州是欲往居占城不果遂駐碭  
州遣兵取雷州曾淵子自雷州來以為叅知政事廣  
西宣諭使四月戊辰是姐于碭洲其臣竊之曰端宗  
庚午衆又立衛王昺為主以陸秀夫為左丞相是月  
有黃龍見海中五月癸未朔陸元祥與乙酉升碭洲  
為翔龍縣遣張應科王用取雷州應科三戰皆不利  
用因降六月丁巳應科再戰雷州遂死之知高州李

象祖降己未昺徙居厓山升廣州為翔龍府己巳有  
大星東南流墜海中小星千餘隨之聲如雷數刻乃  
已巳卯都元帥張弘範李恒征厓山七月趙與珞與  
謝明謝富守瓊州阿里海牙遣馬成旺招之與珞率  
兵拒于白沙口十一月癸巳州民執與珞以降閏月  
庚戌王道夫弃廣州遁壬戌凌震遁癸亥大軍入廣  
州十二月壬午王道夫攻廣州兵敗被執凌震兵繼  
至亦敗文天祥走海豐壬寅被執于五坡嶺震兵又  
敗于菱塘大軍破南安縣守將李桂發死之十六年  
正月壬戌張弘範兵至厓山庚午李恒兵亦來會世



係以舟師碇海中其結巨艦千餘艘中艦外舳貫以  
六索四周起樓棚如城堞居舄其中大軍攻之艦堅  
不動又以舟載茅沃以膏脂乘風縱火焚之艦皆塗  
泥縛長木以拒火舟火不能熨二月戊寅朔世傑部  
將陳寶降己卯都統張達以夜襲大軍營亡矢甚衆  
癸未有黑氣出山西李恒乘早潮退攻其北世傑以  
淮兵殊死戰至午潮上張弘範攻其南南北受敵兵  
士皆疲不能戰俄有一舟檣旗仆諸舟之檣旗遂皆  
仆世傑知事去乃抽精兵入中軍諸軍潰翟國秀及  
團練使劉俊等解甲降大軍至中軍會暮且風雨昏

霧四塞咫尺不相辨世傑乃與蘇劉義斷維以十餘  
舟奪港而去陸秀夫走衛王舟王舟大且諸舟環結  
度不得出走乃置島投海中後宮及諸臣多從死者  
七日得尸出于海十餘萬人楊太后聞昂死撫膺大  
慟曰我悉死艱關至此者正為趙氏一塊肉爾今無  
望矣遂赴海死世傑苑之海濱已而世傑亦自溺死  
宋遂亡

贊曰宋之亡徵已非一日曆數有歸真主徇世而宋  
之遺臣區區奉一二王爲海上之謀可謂不知天命也  
已然人臣忠於所事而至於斯其亦烈也夫

